



大唐開元禮卷第四十三

吉禮

肅明皇后廟時享有司攝事

齋戒 陳設 省牲器 晨裸 饋食

齋戒

將享有司卜日如別儀前享七日平明太尉誓百

官於尚書省曰某月某日時享于肅明皇后廟各

揚其職不供其事國有常刑凡預享之官散齋四日

致齋三日散齋皆于正寢致齋二日於本司散齋理

事如舊唯不弔喪問疾不作樂不判署刑殺文書不

行刑罰不預穢惡致齋唯享事得行其餘悉斷其享  
官已齋而闕者通攝行事諸享官致齋之日給酒食  
及明衣各習禮於齋所光祿卿監取明水火太官令  
取水于  
陰監取火於陽燧火  
以供爨水以實尊  
前享一日諸衛令其屬未後一  
刻各以其方器服守衛廟門每門二人  
每隅一人與太樂工人  
俱清齋一宿

### 陳設

前享三日右枝清掃內外守宮設享官公卿以下次  
於齋坊之內前享二日太樂令設宮懸之樂於廟庭  
東方西方磬簋起北鐘簋次之設十二罇鐘於編懸

之間各依辰位樹路鼓於北懸之內道之左右植建

鼓于四隅置祝啟於懸內祝在左  
啟在右設歌鐘歌磬於

廟堂之上前楹間北向磬簋在西鐘簋在東其匏竹  
者立於階間重行北向相對為首凡懸皆展  
而編之諸工人

各位於懸後東方西方以北為上南方北方以西為  
上 前享一日奉禮郎設享官公卿位於東門之內  
道北執事位在道南每等異位俱重行西面以北為  
上設御史位於廟堂之下一位於東南西向一位於  
西南東向令史各於其後設奉禮位於樂懸東北贊  
者二人在南差退俱西面設協郎郎位於 廟堂之

上前楹間近西東面設太樂令位於北懸之間北向  
設門外位享官公卿以下皆於東門外之道南每等  
異位重行北面西上設牲榜於東門之外當門西向  
以南為上設廩犧令位在牲西南史陪其後俱北向  
設太祝位於牲東當牲位後祝史陪其後俱西向太  
常卿省牲位於牲前近北又設御史位在太常卿之  
西俱南向設尊彝之位於廟堂之上前楹間於堂  
室戶外之右北向春夏鷄彝二鳴鳥彝一犧尊二象  
尊二山罍二秋冬犂彝一著尊二壺尊山罍二皆加  
勺鬯畢皆黼皆西上各有坫以置設簋鉶登歌籩豆

之位於堂上俱東側階之北四簋居前四簋以次之  
次以六登次以六鉶籩豆為後皆以南為上屈陳而  
下設洗於東階東南北向罍水在洗東篚在洗西南  
肆篚實以珪執尊罍者位在尊之後

省牲器

省牲之日午後十刻廟所諸衛之屬禁斷行人太  
廟令整拂神幄坐脯後二刻太廟令帥府史二人  
及齋郎以樽坫罍洗篚畢及籩豆鉶登入設於位加  
以巾蓋凡物器皆濯而陳脯後三刻太祝與廩犧令  
以牲就榜位謁者引太常卿贊引引御史入詣東階

升通視滌濯於上凡導引者每曲一途巡於視訖引

降就省牲位南向立廩犧令少前曰請省牲退復位

太常卿省牲廩犧令又前北面舉手曰賾還本位太

祝巡牲一匝西面舉手曰充還本位太祝與廩犧令

以次牽牲詣厨授太官謁者引光祿卿詣厨省鼎鑊

申視濯溉贊引引御史就厨省饌具太常卿每事進訖各還齋所

饌者入徹籩豆簋簠鉶登以出享日未明十五刻太

官令帥宰人以鸞刀割牲祝史取毛血共實一豆遂

烹牲祝史洗肝於鬱鬯又取脾膾共實一豆置於饌

所

晨裸

享日未明四刻諸享官各服其服太廟令良醞令各

率其屬入實樽彝壘雞彝鳥彝及犧尊象尊著尊之

實以元酒烏彝黃彝實上尊皆實以明水上壘之上尊

以醴齋壺尊實以汎齋山壘實以清酒太官令帥進

饌者實諸籩豆簋簠未明三刻奉禮帥贊者先入就

位贊引引御史博士太祝官闈令及令史祝史與執

尊壘篚幕者各就位贊引引御史太祝詣東階升堂

行掃除於上令史祝史行掃除於下訖引降復位未

明二刻贊引引太廟令太祝官闈令詣東階升堂太

祝官闈令入室開培奉出神主置於座引太廟令以

下降復位未明一刻謁者贊引各引享官俱就東門  
外位太樂令帥工人二舞次入就位文舞入陳於懸  
內武舞立於懸南道西履其升堂坐者皆脫謁者引司  
空入就位立定奉禮曰再拜司空再拜訖謁者引司  
空詣東階升堂行掃除於上降行樂懸於下訖引復  
位初司空行樂懸訖贊引引享官以下次入就位立  
定奉禮曰衆官再拜衆官在位者皆再拜訖謁者進  
太尉之左白有司謹具請行事退復位協律郎跪俛  
伏舉麾凡取物者皆俛伏而取以鼓祝奏永和之樂  
乃以黃鐘之均作文舞之舞樂舞九成黃鐘三奏大  
呂太簇應鐘

各再偃麾凡樂舉麾而奏禮曰衆官再拜

衆官在位者皆再拜謁者引太尉詣盥洗盥手洗瓚

訖謁者引太尉升自東階詣尊爨所執尊者舉巽太

尉酌鬱酒訖登歌作肅和之樂以圜鐘之宮謁者引

太尉入詣神座前北面跪以鬯裸地奠之興謁者

引太尉出北向再拜訖登歌止謁者引太尉降復位

初衆官拜訖祝史奉毛血及肝膋之豆立於東門外

齋郎奉爐炭蕭稷黍立於肝膋之後於登歌止祝史

奉毛血肝膋與奉爐炭蕭稷黍以次入自正門升自

泰階太祝迎毛血肝膋於階上奠於神座前祝史

退立於尊所齋郎以蕭稷黍各置於爐炭下降自阼階以出太祝取肝膋出戶燔於爐炭還尊所

### 饋食

太尉既升裸太官令出帥進饌者奉饌陳於東門之外重行西向以南為上謁者引司徒出詣饌所司徒奉饌初太尉既至位太官令引饌入自正門俎初入門雍和之樂作以無射之均饌至階樂止祝史進徹毛血之豆降自階以出饌升太祝迎引於階上設於神座前謁者引司徒已下降自阼階復位太祝取蕭黍糲於脂燔於爐炭還尊所贊者引太尉詣盥洗盥

手洗爵訖升自阼階詣尊彛所執尊者舉冪太尉酌醴齋訖坤貞之舞作謁者引太尉入詣神座前北向跪奠爵出戶北向立樂止太祝持版進於室戶外之右東面跪讀祝文曰維某年歲次月朔日子孝子開元坤武皇帝其謹遣攝太尉某官臣某敢昭告于皇妣肅明皇后劉氏氣序流邁時惟孟春永懷罔極伏增遠感謹以一元大武柔毛剛鬣明粢薌芻蕘其嘉蔬嘉薦醴齋敬修時享以申追慕尚饗讀訖興太尉再拜訖又再拜初讀祝文訖樂作太祝入奠版於神坐出還尊所太尉拜訖樂止太祝以爵酌壘福酒

一爵持進太尉之左東向立太尉再拜受爵跪啐酒  
奠爵興太祝減神前三牲胙肉皆取前脚加於俎  
又以籩取稷黍飯興還尊所以胙肉置一俎上以飯  
置籩豆以飯授太尉太尉以授齋郎又以俎肉次授  
太尉每太尉每授即以授齋郎訖太尉跪取爵遂飲  
卒爵太祝進受爵復於坫太尉興再拜謁者引太尉  
降復位文舞出鼓祝作舒和之樂出訖夏啟樂止武  
舞入鼓祝作舒和之樂立定夏啟樂止初太尉將復  
位謁者引太常卿詣盥洗盥手洗爵訖升自阼階詣  
尊彛所執尊者舉幕太常卿酌盞齋武舞作謁者引

太常入詣神座前北面跪奠爵謁者引太常卿出  
戶北向再拜訖太祝以爵酌盞福酒一爵持進太常  
卿之左北向立太常卿再拜受爵跪祭酒遂飲卒爵  
太祝進受爵復於坫太常卿再拜訖降復位太常卿  
獻將畢謁者引光祿卿詣盥洗盥手洗爵酌盞齋之  
禮一如亞獻之儀訖光祿卿降復位武舞止登歌作  
雍和之樂太祝入室徹豆還樽所徹者籩豆各一登  
歌止奉禮曰賜昨贊者唱衆官再拜衆官在位者皆  
再拜已飲福受永和之樂作奉禮曰衆官再拜衆官  
在位者皆再拜樂一成止謁者進太尉之左白禮畢



謂者贊引各引享官以次出贊引引御史太祝以下  
俱復執事位立定奉禮曰再拜御史以下皆再拜贊  
引引出工人二舞以次出宮闈令納神主如常儀  
其祝版焚於齋坊

大唐開元禮卷第四十三

大唐開元禮卷第四十四

吉禮

孝敬皇帝廟時享有司攝事

齋戒 陳設 省牲器 晨裸 饋食

齋戒

將享有司卜日如別儀 前享七日平明太尉誓百  
官於尚書省曰某月某日時享于 孝敬皇帝廟各  
揚其職不供其事國有常刑凡預祭之官散齋四日  
致齋三日 散齋皆于正寢致齋二日于本司 散齋理  
事如舊唯不吊喪問疾不作樂不判署刑殺文書不

行刑罰不預穢惡致齋唯享官事得行其餘悉斷其  
享官已齋而闕者通攝行事諸享官致齋之日給酒  
食及明衣各習禮於齋所光祿卿監取明水火太官令取  
水于陰監取火於陽燧前享一日諸衛令其屬未後  
火以供爨水以嘗尊一刻各以其方器服守衛廟門每門二人與太樂工  
人俱清齋一宿

陳設

前享三日右校清掃內外守官設享官公卿以下次  
於齋坊之內前享二日太樂令設宮懸之樂于廟庭  
東方西方磬簋起北鐘簋次之設十二鐃鐘於編懸

之間各依辰位樹路鼓於懸之內道之左右植建鼓  
於四隅置祝敎於懸內祝在左敎在右設歌鐘歌磬於廟

堂之上前楹間北向磬簋在西鐘簋在東其匏竹者  
立於階間重行北向相對凡懸皆展而編之諸工人各位於  
懸後東方西方以北為上南方北方以西為上前  
享一日奉禮郎設享官公卿位於門之內道北執事  
位在道南每等異位俱重行西面以北為上設御史  
位于廟堂之上位於東南西向一位於西南東  
向令史各於其後設奉禮位於樂懸東北贊者二人  
在南差退俱西向設協律郎位於廟堂之上前楹

間近西東向設太樂令位於北懸之間北向設門外  
位享公卿以下皆於東門外之道南每等異位重行  
北面西上設牲牓於東門之外當門西向以南為上  
廩犧令位於牲西南史陪其後俱北向設太祝位於  
牲東當牲後祝史陪其後俱西向設太常卿省牲位  
於牲前近北又設御史位在太常卿之西俱南向設  
樽彝之位於堂上前楹間於室戶之左北向春夏奠  
鷄彝一烏彝一犧尊二象尊二山壘二秋冬犛彝一  
黃彝一著尊二壺尊二山壘二皆加勺畢以黼皆西  
上各有玷以置爵設簋簠斝籩豆之位於堂上俱東側  
階之北四簋居前以四簋次之次以六登次以六斝  
籩豆為後皆以南為上屈陳而下設洗于東階東南  
北向壘水在洗東籩在洗西南肆籩實以珪執尊壘  
位在尊壘之後

### 省牲器

省牲之日午後十刻 廟所諸衛之屬禁斷行人廟  
令整拂 神幄坐脯後二刻廟令帥府史二人齋郎  
以尊坩壘洗篚簠及籩豆斝登入設于位加以巾蓋  
凡器物皆濯而陳之脯後三刻太祝與廩犧令以牲  
就版位謁者引太常卿贊引引御史入詣東階升遍

視滌滌于上凡導引者每曲一遂巡于訖引降就省

牲位南向立廩犧令少前曰請省牲退復位太常卿

省牲廩犧令又前北面舉手曰猶還本位太祝循牲

一匝西面舉手曰克還本位太祝與廩犧令以次牽

牲詣厨授太官謁者引光祿卿詣厨省鼎鑊申視濯

溉贊引引御史就厨省饌具是太常卿每事進饌者入

徹籩豆簋簠鉶登以出 享日未明十五刻太官令

帥宰人以鸞刀割牲祝史取毛血共實一豆遂烹牲

祝史洗肝於鬱壘又取脾膾共實一豆置所饌所膾

膾也

### 晨裸

享日未明四刻諸享官各服其服太廟令良醞令各

率其屬入贊尊壘雞彝尊彝及犧尊象尊壺尊之上

酒烏彝黃彝實以鬱壘以明水山壘之上尊實以元

象尊壺尊實以盞齋山壘實以清酒太官令帥進

饌者實諸籩豆簋簠未明二刻奉禮郎帥贊者先入

就位贊引引御史博士太廟令太官闈令太祝及令

史祝史與執尊壘籩簠者入自東門當階間重行北

面西上立定奉禮曰再拜贊者承傳御史以下皆再

拜訖執尊壘籩簠者各就位贊引引御史太祝詣東

階升堂行掃除於上令史祝史行掃除於下訖引降

復位未明二刻贊引引太廟令太祝宮闈令詣東階  
升堂入室開埽太祝宮闈令奉出神主置於座訖神主宮闈令奉出神主置於座訖  
出並坐而處右引太廟令以下降復位未明一刻謁  
者贊引各引享官俱就東門外位太樂令帥工人二  
舞以次入就位文舞次入就位文舞入陳於懸內武  
舞立於懸南道西其升堂坐者皆脫履於下謁者引司空入  
就位立定奉禮曰再拜司空再拜訖謁者引司空詣  
東階升堂行掃除於上降行樂懸於下訖引復位初  
司空行樂懸謁者贊引引享官次入就位立定奉禮  
曰衆官再拜衆官再拜訖謁者進太尉之左白稱有

司謹具請行事退復位協律郎跪俛伏舉麾凡取物者皆跪  
俛伏而取以興奠物則奠訖而後興鼓祝奏永和之樂乃以黃鐘之均  
作文舞之舞樂舞九成黃鐘三奏大呂太偃麾夏啟  
凡樂協律郎舉麾工鼓祝奉禮曰衆官再拜衆  
樂止而後作偃麾夏啟而後止  
官在位者皆再拜謁者引太尉詣盥洗盥瓚訖謁者  
引太尉升自東階詣尊彝所執尊者舉冪太尉酌鬱  
酒訖登歌作肅和之樂以圜鐘之均謁者引太尉入  
詣神座前北面跪以鬯裸地奠之興謁者引太尉出  
戶北向再拜訖登歌止謁者引太尉降復位初衆官  
再拜訖祝史取毛血肝膾之豆立於東門外齋郎奉

爐炭蕭稷黍立於肝膋之後於登歌止祝祝史奉毛  
血肝膋齋郎奉爐炭蕭稷黍以次入自正門升自泰  
階太祝迎毛血肝膋於階上入奠於神坐前祝史退  
立于尊所齋郎奉爐加炭皆置於室戶外之左其蕭  
稷黍各置於爐炭下降自阼階以出太祝取肝膋出  
戶燔於爐炭復還尊彝所

### 饋食

太尉既升裸太官令出帥進饌者奉饌陳於東門之  
外重行西向以南為上謁者引司徒出詣饌所司徒  
奉饌初太尉既至位太官令引饌入自正門俎初入

門雍和之樂作以無射之均饌至泰階樂止祝史進  
徹毛血之豆降自阼階以出饌升太祝迎引於階上

設於神座

籩豆蓋畢先徹乃升籩  
簋既奠却其蓋於下

設訖謁者引司徒

以下降自阼階復位太祝取蕭於階燔於爐炭還尊  
所贊引者引太尉詣盥洗盥手洗爵訖謁者引太尉  
升自阼階謁尊彝所執尊者舉畢太尉酌醴齋訖承  
光之舞作謁者引太尉入詣神座前北向跪奠爵  
少東興謁者又引太尉取爵于坫酌醴齋訖謁者引  
入神座前北向跪奠爵少西謁者引太尉出戶北  
向立樂止太祝持版進於室戶外之右東面跪讀祝

文曰維某年歲次月朔日子孝姪開元神武皇帝某  
謹遣某官攝太尉封臣某敢昭告于 皇伯考孝故皇  
帝哀皇后裴氏氣序流邁時惟孟春永懷罔極伏增  
遠感謹以一元大武柔毛剛鬣明粢薌合蕡其嘉蔬  
嘉薦醴齋敬修時享以申追慕尚饗訖興太尉再拜  
訖又再拜初讀祝文訖樂作太祝入奠版於 神座  
還尊所太尉拜訖樂止太祝以爵酌疊福酒一爵持  
進太尉之左東向立太尉再拜受爵跪祭酒啐酒奠  
爵興祝史帥齋郎進俎太祝減 神前三牲胙肉皆取  
前脚第加於胙俎又以籩取稷黍飯興還尊所以胙  
二骨

共內置一俎以飯置一籩以飯授太尉每受即以授齋  
郎訖太尉跪取爵遂飲卒爵太祝進受爵復於坫太  
尉興再拜謁者引太尉降復位文舞出鼓祝作舒和  
之樂出訖夏啟樂止武舞入鼓祝作舒和之樂立定  
夏啟樂止初太尉將復位謁者引太常卿詣壘洗盥  
手洗爵訖謁者引太常卿升自阼階詣尊彙所執尊  
者舉冪太常卿酌盞齋武舞作謁者引太常卿入詣  
神座前北面跪奠爵少東訖謁者引太常卿出戶北  
向再拜訖謁者又引太常卿取爵于坫酌盞齋訖謁  
者引入 神座前北向跪奠爵少西訖興謁者引太

常卿出戶北面又再拜訖太祝以爵酌鬯福酒一爵  
持進太常卿之左東向立太常卿再拜受爵跪祭酒  
遂飲卒爵太祝進受爵復於坫太常卿再拜訖降復  
位太常卿獻將畢謁者引光祿卿詣罍洗盥手洗爵  
酌盞齋之禮一如亞獻之儀訖光祿卿降復位武舞  
止登歌作雍和之樂太祝入室徹豆還樽所徹者一  
少移于登歌止奉禮曰賜胙贊者唱衆官再拜衆官  
故處在位者皆再拜樂一成止已飲福受永昨者不和之樂作奉  
禮曰衆官再拜衆官在位者皆再拜樂一成止謁者  
進太尉之左白禮畢謁者贊引各引享官以次出贊

引引御史太祝以下俱復執事位立定奉禮曰再拜  
御史以下皆再拜贊引引出工人二舞以次出太廟  
令與太祝官闈令納神主如常儀其祝版焚于齋坊



大唐開元禮卷第四十五

吉禮

皇帝拜五陵

皇后拜五陵

太常卿行

諸陵

皇帝拜五陵

將拜 陵所司承 制內外宣攝隨職供辦前發二

日太尉告 太廟如常儀將作預修理拜謁之所及

寢宮務極潔敬不得喧雜尚舍直長去 陵十里所

設行宮奉御鋪 御座齋室如常儀守宮設從 駕

百官及皇親諸親客使位及次如常儀 尚舍又於

謁拜 陵所之道西量設小次又於寢宮前之西南  
設大次東向 御座如常儀守宮量設侍臣次於御  
次西南又設群官等應陪位者次於侍臣之西南隨  
地之宜皆東向以北為上文官在北武官在南朝集  
使於武官之南尚饗預備太牢之饌珍羞庶品務極  
豐潔太常滌殘牲牢及築威光祿拜謁前一日 皇  
帝至行宮詣齋式仗衛如式陵令以玉冊進 御署  
訖近臣奉出陵令受訖奉禮設 御位於 陵東南  
隅西向其有山谷隱映則隨又設位於寢宮之內  
寢殿東階之東南西向又設百官位於 陵所行從

官及皇親諸親客使等分方位於神道之左右相對  
為首於寢宮所大次之前分方序立如常並隨地之  
宜拜謁日未明五刻諸衛量設黃麾大仗於陵寢陳  
布諸陵寢舊宿衛人各未明三刻從行百官及皇親  
五等以上諸親手等以上并客使等應陪者俱就位  
侍中版奏請中嚴其布位及進嚴近仗就陳如常未  
明一刻侍中版奏外辦 皇帝素服乘馬以出 勅  
侍臣上馬曲直華蓋繖扇侍衛如常儀詣 陵西南  
小次所由控馬以入少頃侍中版奏外辦 皇帝步  
出次博士引太常卿太常卿前導 皇帝至位立太

常卿前奏請再拜博士與太常卿退立於後皇帝再拜太常卿

又前奏請吏再拜皇帝又再拜有無位奉禮曰再拜

贊者承傳陪位者皆再拜又訖凡贊引進退皆通事舍人贊以相後准此

少頃太常卿前奏請辭皇帝再拜又再拜奉禮曰

贊者承傳陪位者再拜又再拜太常卿引皇帝還

小次乘馬出次勅侍臣上馬儀仗侍衛詣寢宮

皇帝從陵迴詣大次乘馬以入其仗衛等各立於

後其行從百官及皇帝親諸親并客使等並依位

序立於大次之前所司嚴潔其酒饌侍中版奏外辦

皇帝步出大次博士引太常卿太常卿前導皇帝

至寢宮南門仗衛停於門外其應從入之官博士引

太常卿前導皇帝入內門取東廊進至寢殿東

階之東南西向立定太常卿前奏再拜訖引皇帝

升東階當神座前北面再拜訖又又當皇后神

座前再拜訖入進省服翫拂拭牀帳勅所司進太

牢之饌加備珍羞陳設若有太子諸王公主陪筵相

各奠功臣陪筵者於東廊下太常卿引皇帝出詣

酒尊所由酌酒進其尊於東南如常儀神座前北面立

太祝二人對持玉冊於室戶外之右東向跪讀文訖

皇帝再拜又再拜若更薦奠服翫即躬自執陳訖太

常卿引 皇帝出戶當 神座前北面立太常卿奏  
請辭 皇帝再拜又再拜訖太常卿引 皇帝出中  
門太常卿前奏請權停其從官及行事官其守當使  
內侍官引內官帥寢宮內人謁見 皇帝出侍衛如  
常儀還大次少頃若猶宿即乘馬還行宮若更向前  
陵即於大次便進發皆近侍預奏取進止仗衛計會

皇后拜五陵

所司預設大次於 寢宮之東隨地之宜東向鋪  
御座如常入設 先朝妃嬪次於大次之南守宮設  
太長公主及諸親婦人命婦等次於妃嬪之南皆東

向及拜謁之處皆幃以行帷前一日內謁者設 中  
宮御位於寢宮東大次前近東東向又設 先朝妃  
嬪以下位於御位西南各於其次之東皆重行東面  
以北為上又設司贊位於妃嬪東北東面掌贊二人  
在南差退 皇帝發行宮後 皇后乘四望車如常  
行之式法行宮之大次改服緞髻白練單衣服內典  
引各引妃嬪以下就位立訖內侍版奏外辦司言引  
尚官尚官引 皇后每尚官前導皆司言先引出就位高服負瑞  
立定尚衣前奏再拜復位 皇后再拜司贊者再拜  
掌贊承傳諸陪位者皆再拜少頃尚儀又前奏請再

拜辭 皇后再拜司贊曰再拜掌贊承傳諸陪位者  
皆再拜尚官引 皇后還大次謁寢宮如後儀

皇后初還大次內興引各引陪位者退 皇后拜陵

訖於 寢宮東大次改服鈿釵禮衣若服常服臨乘時聽進止

輿詣 寢宮尚服負珠寶以從侍衛如常 先朝妃

嬪大長公主長公主陪從如常式至 寢宮北門降

輿入大次 皇后既入寢宮尚官引 皇后侍從如

常詣 寢殿前西階之東西面立其妃嬪公主等陪

從位於 皇后之西南皆東面北上又設司贊位於

妃嬪東面掌饌二人在南差退在位者立定尚儀前

奏再拜 皇后再拜司贊曰再拜掌贊承傳妃嬪以

下皆再拜訖尚官引 皇后升自西階入室妃嬪公主等引

王子階下詣 先帝神座前北面再拜訖尚官又引 皇

后詣 先帝皇后 神座前北面再拜訖尚官引

皇后進詣 先后服訖引退西廂東面立進食訖

皇帝出尚官引 皇后從出降自西階復階下位尚

儀奏再拜辭 皇帝再拜訖司贊曰再拜掌贊承傳

諸陪位妃嬪等皆再拜尚官引 皇后之大次更衣

妃嬪以下皆更衣矣 皇帝過 皇后出 寢宮北

門乘四望車還行宮侍從如常儀

太常卿行 諸陵

所司預設擇吉日 行日之朝車府令具輅車駕一馬清道青衣團扇曲蓋繖俱詣太常寺門布列以俟守宮預于 陵南百步道東設次西向北上右校令具翦除利器以備洒掃太常卿公服乘車奉禮以下公服陪從到次降車停便坐奉禮設卿位於北門外之左西向陵官在卿位東南執事官又於其南俱西面北上設奉禮位于陵官之西西面贊者二人在南少退設謁者引太常卿出就位贊引引諸官以次就位立定奉禮曰再拜贊者承傳在位者俱再拜謁者

引太常卿贊引引諸官以次入奉行畢謁者引復位奉禮曰再拜贊者承傳在位者皆再拜謁者引太常卿贊引引諸官各就便坐少頃乘車發引次詣諸陵奉行如上儀若應須洒掃及芟薙修理皆即隨事處分

大唐開元禮卷第四十六

吉禮

皇帝孟春吉亥享 先農耕籍

齋戒 陳設 鑾駕出宮 饋享 耕籍

鑾駕還宮 勞酒

齋戒

前祀五日 皇帝散齋三日於別殿致齋二日一日  
於太極殿一日於行宮前致齋一日尚舍奉御設  
御幄於太極殿西序及室內俱東向尚舍直長張帷  
於前楹下致齋之日質明諸衛勒所部屯門列仗晝

漏上水一刻侍中版奏請中嚴諸衛之屬各督其隊  
入陳於殿庭如常儀尚舍引文武五品以下袴褶陪  
位如常式諸近侍之官各服其器服諸侍臣並結珮  
俱詣閣奉迎侍中版奏外辨上水三刻 皇帝服通  
天冠絳紗袍結珮乘輿出自西房曲直華蓋警蹕侍  
衛如常儀 皇帝即御坐東向坐侍中夾侍如常一  
刻頃侍中前跪奏稱侍中臣某言請降就齋室俛伏  
興還侍位 皇帝降坐入室文武侍臣各還省直衛  
者如常儀舍人引陪位者以次出凡預享之官散齋  
三日致齋二日 散齋皆於正寢致齋一日於本司一  
日於享所其無本司者則一日於郊

社近侍之官應從升者及從享群官諸方客使各於  
享所俱清齋一宿散齋理事如舊唯不弔喪問疾不  
作樂不判署刑殺文書不行刑罰不預穢惡致齋唯  
享事得行其餘悉斷其享官已齋而闕者通攝行事  
諸享官致齋之日給酒食及明衣各習禮于齋所光  
祿卿監取明水火 太官令取水於陰鑿取火于  
陽燧火以供爨水以實尊 前享  
一日諸衛令其屬未後一刻各以其方器服守衛壇  
門 每門二人  
每隅一人 與太樂工人俱清齋一宿

陳設

前享三日尚舍直長施大次於外壇東門之內道北



南向尚舍奉御鋪 御坐守宮設文武侍臣次于大  
次之後文官在左武官在右俱南向設諸享官於次  
東壇之外道南從享文官九品以上於享官之東東  
方南方朝集使於文官之東東方南方蕃客又於其  
東俱每等異位北向西上介公於西壇之外道南武  
官九品以上於介公之西西方北方朝集使於武官  
之西西方北方蕃客又於其西俱每等異位北向東  
上其衰聖侯於文官三品之下諸州使人分方位于朝集使之後設饌幔於內壇東  
門之外道南北向前享二日天樂令設宮懸之樂於  
壇南向壇之內東方西方磬簾起北鐘簾次之南方

北方磬簾起西鐘簾次之設十二罇鐘於編懸之間  
各依辰位樹路鼓於北懸之內道之左右植建鼓于  
四隅置祝歌於懸內祝在左歌在右設歌鐘歌磬于  
壇上近南北向磬簾在西鐘簾在東其匏竹者立于  
壇下重行北向相對為首凡懸皆展諸工人各位于而編之  
懸後東方西方以北為上南方北方以西為上右枝  
掃除壇之内外又為瘞培於壇之壬地內壇之外方  
深取足容物南出陛前享一日奉禮設 御坐於壇  
之東南西向設望瘞位于壇西南當瘞北向設享官  
公卿位于內壇東門之內道南執事者位於其後每

等異位俱重行西向北上設御史位于壇下一位于  
東南西向一位于西南東向令史各陪其後設奉禮  
位於樂懸東北贊者二人在南差退俱西向又設奉  
禮贊者位於瘞西南東面設協律郎位於壇上南陛  
之西東向設太樂令位於北懸之間當壇北向設從  
享之官位於文官九品以上執事之南東方南方朝  
集使于文官之南東方南方蕃客又于其南俱每等  
異位重行西面北上鄒公介公位于南壇西門之內  
道南武官九品以上于鄒公介公之後西方北方朝  
集使于武官之南西方北方蕃客又於其南俱每等

異位重行東面北上其褒聖侯於文官三品之下諸

又設享官及從享群官等門外位于東西壇門之外

道南皆如設次之式又設御耕籍位于外壇南門

之外十步所南向設從耕位三公諸尚書諸卿位于

御坐東南重行西向各依推數為列其公王尚書卿

等非耕者位于耕者之東重行西向俱北上鄒公介

公位于御坐西南東向以北為上舍尚設御耒

席于三公之北少西向奉禮又設司農卿位于御

耒席東少南西向廩犧令於司農卿之南少退諸執

耒耜者位于公卿耕者之後非耕者之前西向御耒耜一

具三公未耜三具諸王尚書卿各正位三人合設酒  
未耜九具以下未太常各令籍田農人執之  
尊之位于壇上神農氏犧尊二象尊二山罍二在東  
南隅北向后稷氏犧尊二山罍二在神農氏酒樽之  
東俱北向西上尊者加勺簠設御洗于壇南陞東  
南亞獻之洗於東陞之南俱北向罍尊篚簠者各位  
於尊罍篚簠之後設幣篚于壇上各于尊坫之所自  
後郊社令帥齋郎以尊坫罍洗篚簠入設于位升壇  
東謁者引先祿卿詣廚視濯漑凡導引者每贊引引  
曲一邊巡御史詣廚省饌具光祿卿以下每享日未明十五刻  
事訖各還齋所太官令帥宰人以鑿刀割牲祝史以豆取毛血各置

於饌所遂烹牲未明五刻太史令郊社令各服其  
服外設神農氏神座于壇上北方南向設后稷  
氏神座于東方西向席皆以莞設神座於座首

### 鑿駕出宮

前出三日本司宣攝內外各供其職尚舍設行宮於  
壇南東向隨地之宜守宮設從享官五品以上次於  
承天門外東西朝堂如常前二日太樂令設宮懸之  
樂於殿庭如常儀駕出懸而不作其日晝漏上水五刻鑿  
駕發引發引前七刻槌一鼓為一嚴三農時節前一  
日侍中奏裁前五刻槌二鼓為再嚴侍中版奏請中嚴奉禮設從

享群官五品以上位于東朝堂之前西向武官于西朝堂之前東向俱重行北上從享群官五品以上依時刻俱集朝堂次各服其服其六品以下及御公介使等並依駕出所司陳大駕鹵簿前二刻植三鼓之日使赴享所為三嚴諸衛之屬各督其隊與鈸戟以次入陳於殿庭謁者引從享群官各就朝堂前位諸侍衛之官各服其器服侍中中書令以下俱就西階奉迎侍中負如式乘黃令進耕根車於太極殿西階之前南向千牛將軍一人執長刀立於車前北面黃門侍郎一人在侍臣之前贊者二人又在黃門侍郎之前侍中版奏外

辨太僕卿奮衣而升正立執轡 皇帝齋服乘輿以

出降自西階稱警蹕以常儀千將千將前執轡 皇帝

升車太僕卿立授綏侍中中書令以下夾衛如常乘

黃令進耒耜太僕卿受之載于御者之間黃門侍郎

進當 鑾駕前跪奏稱黃門侍郎臣某言請 鑾駕

發引俛伏興退復位凡黃門侍郎奏請皆進鑾駕前跪奏稱某官臣某言訖俛伏興

也鑾駕動又稱警蹕黃門侍郎與贊者夾引以出千

牛將軍夾車而趨 駕出承天門至侍臣上馬所黃

門侍郎奏稱請 鑾駕權停 勅侍臣上馬侍中前

承 制退稱 制曰可黃門侍臣上馬贊者承傳文

武侍臣皆上馬諸侍衛之官各督其屬左右翊駕  
在黃麾內符寶郎奉六寶與殿中監後部從在黃鉞  
內侍中中書令以下夾侍於車前贊者在供奉官人  
內侍臣上馬畢黃門侍郎奏稱請勅車右升侍中  
前承制退稱制曰可黃門侍郎退復位千牛將軍  
升訖黃門侍郎奏鑾駕發引退復位鑾駕動稱  
警蹕鼓傳音如常不鳴鼓吹不得喧嘩其從享之官  
在元武隊後如常儀駕將至諸享官俱朝服結珮  
謁者引立於次前重行北面西上駕過引下還齋  
所駕至行宮南門外迴車南向將軍降立於車右侍

中進當鑾駕前跪奏稱臣侍中臣某言請降車俛  
伏興還侍位皇帝降車乘輿入侍官繖扇華蓋侍  
衛警蹕如常儀宿衛如式乘黃令受耒耜掌之謁者  
贊引從享官通事舍人分引文武群官五品以上集  
行宮朝堂前文左武右舍人承旨勅群官等各還  
次

### 饋食

享日未明三刻諸享官及從享之官各服其服郊社  
令良醴令帥其屬入實尊壘及幣犧尊實以醴齊象  
尊實以盎齊山壘  
酒實以清酒齊皆加明水酒皆加元  
酒各實於上尊祀神帝皆以青色太官令帥進饌者

實諸籩豆簠簋等入設饌幔內 未明二刻奉禮帥  
贊者先入就位贊引御史諸太祝及令史祝史與執  
尊壘篚冪者入自東門當壇南重行北面西上立定  
奉禮曰再拜贊者承傳凡奉禮有詞贊者皆承傳御史以下皆再  
拜訖執尊壘篚冪者各就位贊引引御史諸太祝詣  
壇東階升行掃除於上令史祝史行掃除於下訖引  
降就位 未明一刻謁者贊引各引享官及分享群  
客官使等俱就門外位太樂令帥工人二舞次入就  
位文舞入陳於懸內武舞立於懸南道西其升壇坐者皆脫履  
於下降謁者引司空入就位立定奉禮曰再拜司空  
納如常

再拜訖謁者引司空詣壇東陞升行掃除於上除行  
樂懸於下訖引復位初司空行樂懸謁者贊引各引  
享官及從享官客使等次入就位初 未明三刻諸  
衛列大駕伏衛陳設如式侍中版奏請中嚴乘黃令  
進耕根車於行宮南門外迴車南向若行宮壇相遠嚴警如式  
未明一刻侍中版奏外辨 質明 皇帝服袞服冕  
乘輿以出 繖扇華蓋侍衛如常儀侍中負璽陪從如式 皇  
帝升車訖乘黃令進耜太僕受載如初黃門侍郎  
奏請 鑾駕發引還侍位 鑾駕動稱警蹕如常千  
牛將軍夾車而趨若行宮去壇遠 駕至大次門外迴

車南向侍中進當 鑾駕前跪奏稱侍中臣某言請  
升車俛伏興還侍位 皇帝降車乘輿之大次繖扇  
華蓋侍衛如常儀郊社令以祝版進御署訖近臣奉  
出郊社令受各奠於坵初 皇帝降車訖乘黃令受  
耒耜投廩犧令而橫執之左其耜之左耕所置於席  
遂守之 凡執耒耜耕皆橫之 皇帝停大次半刻頃太  
常博士引太常卿位於大次門外當門北向侍中版  
奏外辦 皇帝出次華蓋侍衛如常儀博士引太常  
卿太常卿引 皇帝 凡太常卿前導至內壝門外殿  
皆博士先引  
中監進大珪尚衣奉御又以鎮珪授殿中監殿中監

受進 皇帝搢大珪執鎮珪華蓋伏衛停於門外近

侍省從入如常儀 皇帝至版位西向立 每立定太  
常與博士

退立太常卿前奏稱請再拜退復位 皇帝再拜奉

禮曰衆官再拜衆官在位者皆再 拜其先拜太常卿前

奏有司謹具請行事退復位協律郎跪俛伏興舉麾

凡取物者皆跪俛伏取以興 鼓祝奏永和之樂以姑  
奠物則奠訖俛伏而後興

洗之均 自後壇下接神 作文舞之舞樂三成偃麾戛

敵樂止 其樂皆協律郎舉麾工鼓祝  
而後作偃麾戛而後止 太常卿前奏稱

請再拜退復位 皇帝再拜奉禮曰衆官再拜衆官

在位者皆再拜太祝俱取幣於篚各立於尊所太常

卿引 皇帝太和之樂作皇帝每行皆作太和之樂皇帝詣壇升

自南陛侍中中書令以下及左右侍衛量人從升以下

之皆如皇帝升壇北向立樂止太祝以幣授侍中侍中

授幣東向進 皇帝搢鎮珪授幣凡受物皆搢鎮珪

與登歌作肅和之樂以南呂之均太常卿引 皇帝

進北面跪奠於神農氏神座俛伏興太常卿引 皇

帝少退北向再拜訖太常卿引 皇帝又立於西方

東向又太祝以幣授侍中侍中授幣北向進 皇帝

受幣太常卿引 皇帝進東面跪奠於 后稷氏神

座伏興太常卿引 皇帝少退東面再拜訖登歌止

太常卿引 皇帝樂作 皇帝降自南陛還版位西

向立樂止初群官拜訖祝史奉毛血之豆立於門外

登歌止祝史奉毛血入升自南陛配坐升自東陛太

祝迎取於壇上進奠於 神座前太祝與祝史退立

於尊所 皇帝既升奠幣太官令出帥進饌者奉饌

陳於內壝門外謁者引司徒出詣饌所司徒奉饌神

農之俎 皇帝既至版位樂止太官令引饌入俎初

入門雍和之樂作饌至陛樂止祝史進跪徹毛血之

豆降自東陛以出 神農氏之饌升自南陛配坐之

饌升自東陛太祝迎引於壇上各設於神座前蓋豆



先徹乃升簋蓋既設者謁者引司徒坐下降自東陞  
奠却其蓋於下也復坐太祝各還樽所太常卿引 皇帝詣壘洗樂作  
皇帝至壘洗樂止侍中跪取匱興汲水又侍中  
跪取盤興承水 皇帝盥手黃門侍郎跪取巾於匱  
興進 皇帝悅手訖黃門侍郎受巾跪奠於匱興進  
爵 皇帝受爵倚中酌壘水又侍中奉盤 皇帝洗  
爵黃門侍郎又授中皆如初 皇帝拭爵訖侍中奠  
盤匱黃門侍郎受中奠於匱皆如初太常卿引 皇  
帝樂作 皇帝詣壇升自南陞樂止謁者引司徒升  
自東陞立於尊所齋郎奉俎從升立于司徒之後太

常卿引 皇帝詣 神農氏酒樽所執尊者舉冪侍

中贊酌醴齊訖壽和之樂作皇帝每酌獻及飲太常

卿引 皇帝進 神農氏神座前北向跪奠爵俛伏

興太常卿引 皇帝少退北面立樂止太祝持版進

於 禴座之右東面跪讀祝文曰維某年歲次月朔

日子開元神武皇帝某敢昭告于 先帝神農氏獻

春伊始東作方興率由典則恭事千畝謹以制幣犧

齊粢盛庶品肅備恒祀陳其明薦以后稷配神作主

尚饗訖興 皇帝再拜初讀祝文訖樂作太祝進跪

奠版於神座興還尊所 皇帝拜訖樂止太常卿引

皇帝詣后稷氏酒尊所執尊者舉冪侍中取爵于坫  
進 皇帝受爵侍中贊酌醴齊訖樂作太常引 皇  
帝進后稷氏神座前東向跪奠爵俛伏興常太卿引  
皇帝少退東向跪奠爵俛伏興太常卿引 皇帝少  
退東向立樂止太祝持版進於 神座之左北向跪  
讀祝文曰維某年歲次月朔日子開元神武皇帝某  
敢昭告于 后稷氏土膏肱起爰循耕籍用薦恒祀  
于先帝神農氏惟神功叶稼穡實允昭配謹以制幣  
犧齊粢盛庶品式陳明薦作主侑 神尚饗訖興  
皇帝再拜初讀祝文訖樂作太祝進跪奠版於 神

座前俛伏興還尊所 皇帝拜訖樂止太常卿引  
皇帝進 神農氏神座前北面立樂作太祝各以爵  
酌上尊福酒合置一爵一太祝持爵授侍中侍中受  
爵西向進 皇帝再拜受爵跪祭酒啐酒奠爵俛伏  
興太祝帥齊郎俎太祝減 神農前三牲胙肉皆取前脚  
骨第二各置一俎上又以籩豆取稷黍飯共置一籩太  
祝先以飯籩授司徒司徒受西向進 皇帝受以授  
左右又以胙肉授司徒司徒受俎以次進 皇帝每  
授以授左右謁者引司徒降位 皇帝跪取爵遂飲  
卒爵侍中進爵以授太祝太祝受爵復於坫 皇帝

俛伏興再拜樂止太常卿引 皇帝樂作 皇帝陛  
自南陛還版位西向立樂止文舞出鼓祝作舒和之  
樂出訖憂敵樂止武舞入鼓祝奏舒和之樂立定憂  
敵樂止 皇帝將復位謁者引太尉詣壘洗盥手洗  
爵謁者引太尉自東陛升壇詣 神農氏象尊所執  
尊者舉冪太尉酌盞齊武舞作謁者引太尉進 神  
農氏神座前北向跪奠爵興謁者引太尉少退北向  
再拜謁者引太尉詣 后稷氏象尊所取爵於坫執  
尊者舉冪太尉酌盞齊謁者引太尉進 后稷氏神  
座前東面跪奠爵興謁者引太尉少退東向再拜謁

者引太尉進 神農后稷神座前北向立太祝各以  
爵酌壘酒合置一爵一太祝持爵進太尉之右西向  
立太尉再拜受爵跪祭酒遂飲卒爵太祝進受爵復  
於坫太尉興再拜謁者引太尉降復位初太尉獻將  
畢謁者引光祿卿詣壘洗盥手洗爵升酌盞齊終獻  
如亞獻之儀訖謁者引光祿卿降復位武舞止諸太  
祝各進跪徹豆興還尊所徹者蓮豆各一奉禮曰賜  
昨贊者唱衆官再拜衆官在位者皆再拜已飲福永  
和之樂作太常卿前奏稱請再拜退復位 皇帝再  
拜奉禮曰衆官再拜衆官在位者皆再拜樂一成止

太常卿前奏請就望瘞位奉禮帥贊者就瘞埴西南  
位太常卿引 皇帝太和之樂作 皇帝就望瘞位  
北向樂止於群官將拜太祝各執篚進 神座前取  
幣各由其陞降壇詣埴以幣置於埴訖奉禮曰可瘞  
埴東西廂各四人寘土半埴太常卿前奏禮畢請就  
耕籍位太常卿引 皇帝樂作 皇帝詣耕位南向  
立樂止初白禮畢奉禮帥贊者還本位

### 耕籍

皇帝將詣望瘞位謁者引三公及應從耕侍耕者各  
就耕位司農先就位諸執耒耜者皆就位 皇帝初詣

耕位廩犧令進詣御耒席南北面跪俛伏搯笏解韜  
出耒執耒起少退北面立司農卿進受耒以授侍中  
侍中奉耒進 皇帝受以三推侍中前受耒耜及于  
司農司農及于廩犧令執訖還本位廩犧令復耒于  
韜執耒起復位立 皇帝初耕執耒耜耜各授  
侍耕者 皇帝耕訖三公諸王五推尚書卿九推訖  
執耒耜者前受耒耜退復位侍中前奏禮畢退復位太  
常卿引 皇帝自南門還大次樂作 皇帝出內壇  
東門殿中監前受鎮珪以授尚衣御殿中監又前受  
大珪華蓋侍衛如常儀 皇帝入次樂止謁者贊引

各引享官及從享群官諸方客使以次出贊引各引御史太祝以下俱復執事位立定奉禮曰再拜御史以下皆再拜贊引引出工人二舞以次出太常卿帥其屬以次耕於千畝其祝版燔於齊坊

### 鑾駕還宮

皇帝既還大次侍中版奏請解嚴

將軍不得輒離部位

皇帝停

大次一刻頃槌一鼓為一嚴轉伏衛於還塗如來儀三刻頃二鼓為再嚴將士布隊伏侍中版請中嚴皇帝通天冠絳紗袍諸享官服朝服五刻頃槌三鼓為三嚴通事舍人各引群官客使序立於大次之前

近南文武侍臣詣太次門外南向千牛將軍立於車右侍中版奏外辦太僕卿升執轡 皇帝乘輿出次 繖扇侍衛警蹕如常儀 皇帝升車太僕卿立授綏黃門侍郎奏稱請 鑾駕發引退復位 鑾駕動稱警蹕如常儀黃門侍郎贊引夾引千牛將軍夾車而趨至侍臣上馬所黃門侍郎奏稱請 鑾駕權停 勅侍臣上馬侍中前承 制退稱 制曰可黃門侍郎退稱侍臣上馬贊者承傳文武侍臣皆上馬畢黃門侍郎稱奏請勅車右升侍中稱 制曰可黃門侍郎退復位千牛將軍升說黃門侍郎奏稱請 鑾駕

發引退復位鼓音傳 鑾駕動鼓吹振作而還文武  
群官皆從如來儀諸方客使便還館 駕至承天門  
外侍臣下馬所 鑾駕權停文武侍臣皆下馬千牛  
將軍降立於車右訖 鑾駕動千牛將軍夾車而趨  
駕入嘉德門太樂令撞蕤賓之鐘左五鐘右五鐘皆  
應鼓祝奏采茨之樂至太極門憂敵樂止入太極殿  
鼓祝奏太和之樂駕至橫街北當東上閣迴車南向  
侍中進當 鑾駕前跪奏稱侍中臣某言請降車俛  
伏興還侍位 皇帝降輿乘輿以入繳扇侍衛警蹕  
如常儀侍臣從至閣憂敵樂止初文武群臣至東朝

堂通事舍人承 旨勅群官並還 皇帝既入侍中  
版奏請解嚴叩鉦將士各還其所

勞酒

車駕還宮之明日設會於太極殿如元會之儀  
唯不  
賀不  
為上  
異壽

大唐開元禮卷第四十七

吉禮

孟春吉亥享 先農於籍田有司攝事

齋戒 陳設 享饋

齋戒

凡預享之官散齋三日致齋二日

散齋皆于正寢致齋一日于享所其

無本司者皆于享所也

散齋理事如舊唯不弔喪問疾不作樂

不判署刑殺文書不行刑罰不預穢惡致齋唯享事

得行其餘悲斷其享官已齋而闕者通攝行事光祿

卿監取明水火

太官令取水于陰鑿取火于陽燧火以供費水以實尊

前享一

日諸衛壇門與太樂工人俱請齋一宿

陳設

前享三日右校掃除壇之內外又為瘞禬於壇之壬地壇之內方深取足容物南出陛前享二日衛尉設享官公卿以下次於外壇東門之外道南北向以西為上設饌幔於內壇東門之外道南北向大樂令設宮懸之樂於壇南內壇之內東方西方磬簾起北鐘簾次之南方北方磬簾起西鐘簾次之設十二鐃鐘於編懸之間各依辰位樹路鼓於北懸之內道之左右植建于鼓四隅置祝啟於懸內祝在左啟在右設歌鐘

歌磬於壇上近南北向磬簾在西鐘簾在東其匏竹者立於壇下重行北向相對為首凡懸皆展而編之諸工人各位於懸後東方西方以南為上南方北方以西為上 前享一日奉禮設享官公卿位於內壇東門之內道北執事位於道南每等異位重行西面以北為上設望瘞位於壇之西南當瘞禬北向設御史位於壇之下一人位於東南西向一人位於西南東向令史各陪其後設奉禮位於樂懸東北贊者二人在南差退俱西向北上又設奉禮贊者位於瘞禬西南東面南上設協律郎位於壇上南陛之西東向設太樂



令位於北懸之間當壇北向設享官公卿以下門外  
位皆于東壇之外道南每等異位重行北面以西為  
上設酒樽之位於壇上神農氏犧尊二象尊二壘一  
在東南隅北向后稷氏犧尊二象尊二壘一在神農  
氏酒尊之東俱北向西上尊俱置於壇皆如設洗於  
壇上南陸東南北向壘水在洗東篚在洗西南肆篚  
爵以中執尊壘篚冪者各於尊壘篚冪之後各設幣篚  
於壇上尊坫之所脯後謁者引光祿卿詣廚視濯漑  
又謁者引諸享官詣厨省饌具訖還齋所享日未明  
十刻太官令帥宰人以鑿刀割牲祝史以豆取毛血

置於俎饌所遂烹牲未明五刻太史令郊社令升設  
神農氏神座於壇上北方南向設后稷氏神座於東  
方西向席俱以莞設神位各於座首

### 饋享食

享日未明三刻諸享官各服其服郊社令良醢令各帥  
其屬入實樽壘及幣犧尊實以醴齊象尊實以盞齊  
其元酒各實於兩齊之上尊山  
壘實以清酒禮神之幣皆以青太官令帥諸進饌者實諸籩豆簋簠  
入陳於東門之外道饌幔內未明二刻奉禮帥贊  
者先入就位贊引引御史諸太祝及令史祝史與執  
尊壘篚冪者入自東門當壇南重行北面西上凡導

每曲一立定奉禮曰再拜贊者承傳凡奉禮有詞御逡巡史以下皆再拜訖執樽者升自東陸立於尊所壇下執樽壘篚纂者各就位贊引引御史諸太祝詣壇東陸升行掃除於上令史祝史行掃除於下訖引降就位未明一刻太樂令帥工人二舞次入就位文舞入陳於懸內武舞立於懸南道西謁者引司空入就位立定奉禮曰再拜司空再拜訖謁者引司空詣壇東陸升行掃除於上降行樂懸於下訖引還本位初司空又謁者引享官贊引引執事者俱就位壇外位司空行掃除訖謁者贊引各引享官以次入就位立

定奉禮曰衆官再拜衆官在位者皆再拜其先拜者謁

者進太尉之左白有司謹具請行事還本位協律郎

跪俛伏舉麾凡取物者皆跪俛伏而取以鼓祝奏角

音乃以永和之樂以姑洗之均作文舞之舞樂舞三

成偃麾戛敵樂止而後作偃麾戛敵而後止奉禮曰

衆官再拜衆官皆再拜諸太祝俱取幣於篚各立於

尊所謁者引太尉詣壇升自南陸北向立太祝以幣

東向授太尉受幣登歌作肅和之樂乃以南呂之均

謁者引太尉進北面跪奠於神農氏神座興謁者

引太尉少退北向再拜謁者引太尉立于西方東向

又太祝奉幣北向授太尉受幣謁者引太尉進東面  
跪奠於左后稷氏神座興謁者引太尉少進東向再  
拜訖登歌止謁者引太尉降自南陛還本位初群官  
拜訖祝史奉毛血立於門外登歌止祝史奉毛血升  
自南陛配坐升自東陛太祝迎取於壇上進奠於神  
座前太祝興祝史退立於尊所太尉既升奠幣太官  
令出帥進饌者奉饌陳於內壝東門之外謁者引司  
徒出詣饌所司徒奉神農之俎太官令引饌入俎  
初入門雍和之樂作自後酌獻饌至陛樂止祝史跪  
徹毛血之豆降自東陛以出神農氏之饌升自南

陛配坐饌升自東陛諸太祝迎引於壇上各設於神  
座前豆蓋簾先徹乃升蓋設訖謁者引司徒以下  
降復位諸太祝各還尊所謁者引太尉升自南陛詣  
神農氏酒尊所執尊者舉簾太尉酌醴齊訖樂作謁  
者引太尉進神農氏神座前北向跪奠爵興謁者  
引太尉少進北向立樂止太祝持版進於神座之  
右東面跪讀祝文曰維某年歲次月朔日子嗣皇  
帝臣某謹遣太尉封臣名敢昭告于神農氏獻春  
伊始東作方輿率由典則恭事千畝謹以制幣犧齊  
粢盛庶品肅備恒祀陳其明薦以后稷配神作主尚

饗訖興太尉再拜初讀祝文訖樂作太祝進跪奠版於神座興還尊所太尉拜訖樂止謁者引太尉詣后稷氏酒樽所取爵於坫執尊者舉冪太尉酌醴齊訖樂作謁者引太尉進后稷氏神座前東向立樂止太祝持版進于神坐之左北面跪讀祝文曰維某年歲次月朔日子開元神武皇帝某謹遣太尉封臣名敢昭告于后稷氏土膏脈起爰循耕籍式陳明薦于帝神農氏惟神功叶稼穡實允昭配謹薦制幣犧齊粢盛庶品作主侑神尚饗訖興太尉再拜初讀祝文訖樂作太祝進跪奠版于神坐興還尊

所太尉拜訖樂止謁者引太尉進神農氏神坐前北向立太祝各以爵酌鬯福酒合置一爵一太祝持爵進太尉之右西向立太尉再拜受爵跪祭酒奠爵興一太祝帥齋郎奉俎太祝減神農前三牲胙肉加於俎又以籩取稷黍飯興以胙肉共置一俎上又以飯共置一籩太祝先以飯籩授太尉以授齋郎又以俎授太尉每受以授齋郎太尉跪取爵遂飲卒爵太祝進受爵復於坫太尉興再拜謁者引太尉降復位文舞出鼓祝作舒和之樂出訖戛鼓樂止武舞入鼓祝作舒和之樂立定戛鼓樂止初太尉獻將畢謁者

引太常卿詣壘洗盥手洗爵訖謁者引太常自東陞  
升壇詣神農氏象尊所執尊者舉罍太常酌盞齊  
訖武舞作謁者引太常進神農氏神坐前北向跪  
奠爵興謁者引太常卿少退北向再拜謁者引太常  
卿進神農氏神坐前北向立太祝各以爵酌壘福  
酒合置一爵一太祝持爵進太常之右西向立太常  
再拜受爵跪祭酒遂飲卒爵太祝進受爵於坵太常  
興再拜謁者引太常卿降復位初太常卿獻將畢謁  
者引光祿卿詣壘洗盥洗訖升酌盞齊終獻如亞獻  
之儀訖謁者引光祿卿降復位武舞六成舞獻俱畢

諸太祝各進跪徹豆還尊所

徹者籩豆各一少移于故處

奉禮曰

賜胙贊者唱衆官再拜衆官在位者皆再拜

已飲福受胙者

不奉禮曰衆官再拜衆官在位者皆再拜樂一成止

謁者進太尉之左白請就望瘞位謁者引太尉就望  
瘞位北向立於衆官將拜訖諸太祝各持筐進神座  
前跪取幣齋郎以俎載牲體稷黍飯爵酒興各由其  
陛降壇詣瘞塹以幣饌物置於塹訖奉福曰可瘞塹  
東西廂各四人寘土半塹謁者引太尉出又謁者贊  
引各引享官以次出贊引引御史以下俱復執事位  
立定奉禮曰再拜御史以下皆再拜贊引引出工人

二舞以次出其祝版燔於齋坊

大唐開元禮卷第四十七

大唐開元禮卷第四十八

吉禮

皇后季春吉巳享 先蠶親桑

齋戒 陳設 車駕出宮 饋享

親桑 車駕還宮 勞酒

齋戒

先祀五日散齋三日於後殿致齋二日於正殿前致齋一日尚寢設御幄於正寢<sup>殿</sup>西序及室中俱東向致齋之日晝漏上水一刻尚儀版奏請中嚴尚服帥司伏布侍衛司賓引內命婦陪位並如式六尚以下

各服其服詣後殿奉迎尚儀版奏外辦上水三刻  
皇后服鈿釵禮衣結珮乘輿出自西房華蓋警蹕侍  
衛如常儀 皇后即御坐東向坐六尚以下侍衛如  
常一刻頃尚儀前跪奏稱尚儀妾姓言請降就齋室  
興退復位 皇后降坐乘輿入室六尚以各還寢直  
衛者如常司賓引陪位者退 散齋之日內侍帥內  
命婦之吉者使蠶於蠶室 凡預享之官散齋三日  
於其寢致齋二日於寢一日於享所 亞獻終獻則致齋二日皆于其  
寢六尚以下應從升者及從享內外命婦各於其寢  
清寢一宿 散齋理事如舊唯不弔喪問疾不作樂

不判署刑殺文書不行刑罰不預穢惡致齋唯享事  
得行其餘悉斷其享官已齋而闕者通攝行事諸預  
享之官致齋之日給酒食及明衣各習禮於齋所先  
祿卿監取明水火 太官令取水於陰鑿取火於前享  
一日諸衛令其屬未後一刻各以其方器服守衛墻  
門 每門二人每隅一人享日未明給使代執與女工人等俱清齋一宿

陳設

前享三日尚舍直長施大次于外墻東門之內道北  
南向尚舍奉御鋪 御坐尚舍直長設內命婦及六  
尚以下次于大次之後俱南向守宮設外命婦次大

長公主長公主公主以下於南壇之外道西三公  
夫人以下在其南俱重行每等異位東向北上設陳  
饌幔於內壇東門之外道南北向 前享二日太樂  
令設宮懸之樂於壇南內壇之內東方西方磬簾起  
北鐘簾次之南方北方磬簾起西鐘簾次之設十二  
大磬於編懸之間各依辰位置祝啟於懸內祝在左  
啟在右設歌鐘歌磬於壇上近南北向磬簾在西鐘  
簾在東其匏竹者立於壇下重行北向相對為首懸  
皆展而諸女工人各位於懸後東方西方以南為上  
南方北方以西為上右枝掃除壇之內外又為瘞培

於壇之壬地內壇之外方深取足容物南出陞又為  
采桑壇於壇廿步所方三大高五尺西出陞尚舍量  
施帷障於外壇之外四面開門其東門使客厭翟車  
前享一日内謁者設 御坐於壇之東南西向設望  
瘞位於壇之西南當瘞培西向設亞獻終獻位于內  
壇東門之內壇道南執事者位於其後每等異位俱  
重行西向北上設典正位於壇下一位於東南西向  
一位於西南東向女史各陪其後設司贊位於樂懸  
東北掌贊二人在南差退俱西面又設司贊掌贊位  
於埋培西南東面南上設典樂舉麾位於壇上南陞



之西東向設司樂位于北懸之間皆當壇北向設內  
命婦位於終獻之南絕位每等異位重行西向北上  
設外命婦位於中壝南門之外大長公主以下於道  
東東西當內命婦位差退太史人以下於道西去道  
遠近准公主位供每等異位重行相向北上又設  
御采桑位於采桑壇上東向設內命婦采桑位於壇  
下當御位東北每等異位南向西上設外命婦采  
桑位於壇下當御位東南每等異位北向西上訖  
執御鈎筐者位于內命婦之西少南西上尚功執  
筐設內命婦執鈎筐者位各於其采桑位之後尚功

典執鈎高功設門外位享官於東壝之外道南從享  
下女典執筐內命婦於享官之東俱每等異位重行北面西上從

享外命婦於南壝之外道西如設次之式設酒尊之  
位於壇上東南隅北向西上犧尊二象尊二山壘二  
尊皆以置爵設御洗於壇南陞東南亞獻之洗又於  
東南俱北向壘洗在洗東筐在洗西南四筐實以執  
尊壘筐冪者各位于尊壘筐冪之後設幣筐于壇上  
樽坵之所晡後內謁者帥其屬以尊坵壘洗筐冪入  
設于壇上升壇者日未明十五刻太官令帥宰人以  
鑿刀割牲祝史以豆取毛血置于饌所遂烹其神爵  
及諸司

供事使次守宮與金享日未明五刻司設服其服升  
吾相知量于壇東設  
設先蠶氏神坐於壇上北方南向席以莞設神坐於  
座首

### 車駕出宮

前享一日金吾奏請外命婦等應集壇所者並聽夜  
行其應採桑者四人各具女侍者進筐鈎載之而行  
監門預奏請享日未明四刻開所由莞門諸親及  
命婦以下以次入詣壇南次所各服其服應采桑者  
筐鈎各具女侍者執授內謁者監內謁者監受之以  
授執鈎筐者享日未明四刻槌一鼓為一嚴三嚴時節

前一日內未明二刻槌二鼓為再嚴尚儀版奏請中

嚴內命婦各服其服所司陳車駕鹵簿未明一刻

槌三鼓為三嚴司賓引內命婦入立於庭重行西面

以北為上六尚以下各服其服俱詣室奉迎尚服式

內僕進厭翟車于閤門尚儀版奏外辦馭者執轡

皇后服鞠衣乘輿以出華蓋侍衛警蹕如常內命婦

從出門皇后升車尚功司製進筐鈎載之仗衛如

常儀內命婦及六尚等乘車陪從如式其內命婦應

采桑者四人各典製等進筐鈎載之諸翊駕之官皆

乘馬駕動警蹕如常不鳴鼓角諸衛前後督攝如

常內命婦宮人次從

饋享

享日未明三刻諸享官各服其服尚儀及司醞帥其

屬入實尊壘及幣儀尊實以醴齊象尊實以盃齊山

尊帶太官令實諸遵豆簋簠俎等內謁者帥其屬詣

廚奉饌入設於饌幔內內侍之屬與司膳等守掌之

亦太官付內謁者同時進入以供班胙駕將至女相

者引先置享官內興引引外命婦俱就門外位女相

尚儀下駕至大次門外迴車南向尚儀進車前跪奉

稱尚儀妾姓言請降車興還侍位 皇后降車乘輿

之大次華蓋繖扇侍衛如常儀尚儀以祝版進御署

訖奉出奠於地 皇后降車訖尚功司製進受鈎筐

以退其內命婦鈎筐則內命婦典贊引亞獻及從享

內命婦俱就門外位司贊帥掌贊先入就位女相者

引尚儀典正及女史祝史女史祝史以尚與女執尊

壘篚冪者入自東門當壇南北面西上立定司贊曰

再拜掌贊承傳凡司贊有詞尚儀以下皆再拜訖尚

儀以下各就位司樂帥女工人入就位典贊引亞獻

終獻相女者引執事者司賓引內命婦內典引引外

命婦俱入就位 皇后停大次半刻頃司言引尚宮

立于大次門外當門北向尚儀版奏外辦 皇后出

次華蓋侍衛如常陪從如式 司言引 皇后凡尚書前導皆

先引入自東門華蓋伏衛停於門外近侍者從入如

常 皇后至版位西向立每立定尚官與立定尚官

前奏稱請再拜退復位 皇后再拜司贊曰衆官再

拜享官及內外命婦在位者皆再拜其先者尚司前

奏有司謹具請行事退復位典樂跪舉凡取物者皆

物亦跪奠 鼓祝奏永和之樂以姑洗之均自後壇下

皆奏 三成偃麾憂敵樂止 而後作偃麾 憂敵而止 祝

尚宮前奏稱請再拜退復位 皇后再拜司贊曰衆

官再拜享官及內外命婦在位者皆再拜壇上尚儀

跪取幣於篚興立於尊所尚宮引 皇后正和之樂

作 皇后每行皆 皇后詣壇升自南陛六尚已下量

人從升 皆以下拜 皇后升壇北面立樂止尚儀奉幣

東向進 皇帝受幣登歌作肅和之樂以南呂之均

尚宮引 皇后进北向跪奠於 神坐與尚宮引

皇后少退北向再拜訖登歌止尚宮引 皇后樂作

降自南陛還版位西向立樂止初內外命婦拜訖女

史祝史奉毛血之豆立於內壝東門之外其登歌止

女史祝史奉毛血之陛自南陛尚儀迎引於壇上進

跪奠於神生前興與女祝史退立於尊所 皇后  
既升奠幣司膳出帥女進饌者奉饌陳於內壇東門  
之外 皇后既降復位司膳引饌入俎初入門雍和  
之樂作饌至樂止女祝史跪徹毛血之豆降自東陛  
以出饌升自南陛尚儀迎引於壇上設於神坐前  
奠豆蓋先徹乃升蓋設訖司膳帥女進饌者降自  
蓋既奠却其蓋于下 東陛復位尚儀還尊所尚宮引 皇后詣壘洗樂作  
皇后至壘洗樂止尚儀跪取匱興浹水司言跪取盤  
興承水 皇后盥手司言跪取巾於篚興進 皇后  
悅手訖司言受巾跪奠於篚司言跪取爵於篚興進

皇后受爵尚儀酌壘水司言奉盤 皇后洗爵司言  
授巾皆如初 皇后拭爵訖尚儀奠匱司言奠盤巾  
皆如常尚宮引 皇后樂作詣壇升自南陛樂止尚  
宮引 皇后詣酒尊所執尊者舉冪尚儀贊酌醴齊  
訖壽和之樂作皇后每酌獻及飲尚宮引 皇后進  
福皆作壽和之樂 北向立樂止尚儀持版進於神坐之右東面跪讀  
祝文曰維某年歲次月朔日子 皇后某氏敢昭告  
于先蠶氏惟神肇興蠶織功濟黔黎爰擇嘉時式遵  
令典謹以制幣犧齊粢盛庶品薦于神尚饗訖興  
皇后再拜初讀祝文訖樂作尚儀跪進奠版於神

坐興還尊所 皇后再拜訖樂止尚儀以爵酌上尊酒  
西向進 皇后再拜受爵跪祭酒啐酒奠爵興尚儀  
帥女進饌者持籩豆俎進尚儀以前三牲胙肉皆取前脚  
第二各置一俎上又以籩取稷黍飯共置一籩尚儀  
先以飯籩西向進 皇后再受以授左右尚儀又以胙  
俎以次進 皇后再受以授左右 皇后再跪取爵遂  
飲卒爵尚儀進受爵復於坫 皇后再拜訖樂止  
尚宮引 皇后再樂作降自南陞還版位西向立樂止  
皇后再獻將畢典贊引貴妃詣盥洗盥手洗爵訖典贊  
引妃自東陞升壇詣象尊所執者舉簾貴妃酌盞齊

典贊引進神坐前北向跪進奠爵興典贊引貴妃少  
退北向再拜尚儀以爵酌盞福酒持爵進貴妃再拜  
受爵跪祭酒遂飲卒爵尚儀進受爵復於坫貴妃再  
拜典贊引貴妃降自東陞復位初貴妃獻將畢又典  
贊引昭儀詣盥洗盥手洗爵升酌盞齊終獻如亞獻  
之儀訖典贊引昭儀降復位尚儀退神坐前跪徹豆  
典還樽所徹者籩豆各一少移于故處司贊曰賜胙掌贊唱衆官  
再拜衆官在位者皆再拜已飲福永和之樂作尚宮  
前奏稱請再拜退復位 皇后再拜司贊曰衆官再  
拜衆官在位者皆再拜樂一成止尚宮前奏就請望

瘞位司贊帥掌贊就瘞埽西南位尚宮引 皇后樂  
作至望瘞位西南立樂止於衆官將拜尚儀執篚進  
神坐前取幣自北陞降壇西行詣瘞埽以幣置於埽  
訖司贊曰可瘞埽東西各四人實土半埽尚宮前奏  
禮畢請就采桑位尚宮引 皇后樂作詣采桑壇升  
自西陞東向立樂止初白禮畢司贊帥掌贊還本位  
親桑

皇后將詣望瘞位司賓引內外命婦采桑者俱就采  
桑位內外命婦一人各一人諸執鈎筐者各就位 皇  
后既至采桑位尚功奉金鈎自北陞陞壇進典製奉

筐從升 皇后受鈎采桑典製奉筐受桑 皇后采  
三條止尚功前受鈎典製以筐俱退復位 皇后初  
采典製等各以鈎授內外命婦 皇后采桑訖內外  
命婦以次采桑女史執筐者受之內外命婦一品各  
五條二品各采九條止典製等受鈎與執筐者退復  
位司賓各引內外命婦采桑者以從至蠶室尚功以  
桑授蠶母蠶母受桑以授婕妤食蠶洒一薄訖司賓  
引婕妤還本位尚儀前奏退復位尚宮引 皇后樂  
作還大次入大次訖樂止司賓引內命婦內典引引  
外命婦各還其次尚儀典正以下俱復執事位立定

再拜尚儀以下皆再拜訖出女工人以次出其祝版燔于齋所

### 車駕還宮

皇后既還大次內侍版奏請解嚴將士不得皇后停

大次一刻頃槌一鼓為一嚴轉伏衛於還塗如來儀

三刻頃槌二鼓為再嚴尚儀版奏請中嚴 皇后服

鈿釵禮衣五刻頃槌三鼓為三嚴內典引引外命婦

出次就門外位司賓引內命婦出次序立于大次之

前六尚以下依式奉迎內僕進厭翟車于大次門外

南向尚儀版奏外辦馭者執轡 皇后乘輿出次華

蓋侍衛警蹕如常 皇后升輿鼓吹振作而行內命

婦以下乘車陪從如來儀車駕過內典引引外命婦

退還第駕至正殿門外迴車南向尚儀進當車前跪

奏稱尚儀妾姓言請降車興還侍位 皇后降車乘

輿入侍衛如常內侍版奏請解嚴將士各還其所

### 勞酒

車駕還宮之明日內外命婦設會於正殿如元會之

儀唯不賀不  
上壽為異



前享五日

諸預享官散齋五日各於其寢致齋二

日

於其寢一日於享所散齋理事如舊唯不弔

喪問疾不作樂不判署刑殺文書不行刑罰不預穢

惡致齋唯享事得行其餘悉斷其享官已齋而闕者

通攝行事凡預享之官致齋之日給酒食及明衣各

大唐開元禮卷第四十九

吉禮

季春吉已享先蠶於公桑有司攝事

齋戒陳設饋享

齋戒

前享五日諸預享官散齋五日各於其寢致齋二

日一日於其寢一日於享所散齋理事如舊唯不弔

喪問疾不作樂不判署刑殺文書不行刑罰不預穢

惡致齋唯享事得行其餘悉斷其享官已齋而闕者

通攝行事凡預享之官致齋之日給酒食及明衣各

習禮于齋所光祿卿監取明水火太官令取水于陰

以實尊前享一日諸衛令其屬未後一刻各以其

方器服守衛壇門每門二人享日未明給使代執典

女工人俱清齋一宿

陳設

前享三日守官設享官次於東壇之外道南北向以

西為上設陳饌幔於內壇東門之外道南北向 前

享三日太樂令設宮懸之樂於壇內壇之內東方西

方磬簾起北鐘簾次之南方北方磬簾起西鐘簾次

之設十二大磬於編懸之間各依位置祝歌於懸內

祝在左歌在右設歌鐘歌磬於壇上近南北向磬簾

在西鐘簾在東其匏竹者立於壇下重行北向相對

為首凡懸皆展諸女工人各位于懸後東方西方以

南為上南方北方以西為上右枝掃除壇之內外又

為瘞培於壇之壬地內壇之外方深取足容物南出

陛 前享一日內謁者設三獻位于內壇東門之內

道北執事位於道南每等異位皆重行西面以北為

上又設望瘞位于壇之東北當瘞培西向又設典正

尉於壇下一位于東南西向一位于西南東向女史

各陪其後紀察設掌贊位於樂懸東北女史二人在

南差退俱西向又設掌贊女史位於瘞埽西南東向  
南上設典樂舉麾位于壇上南陛之西東向設司樂  
位于北懸之間當壇北向設三獻以下門外位于東  
壇之外道南向每等異位重行北面西上設酒尊之  
位於壇上東南隅北向西上犧樽二象尊二山罍二  
尊皆加勺罍設洗於壇南陛東南北向罍水在洗東  
有坫以置爵設洗於壇南陛東南北向罍水在洗東  
篚在洗西南四執樽罍篚罍者各位於樽罍篚罍之  
後設幣篚於壇上樽坫之所晡後內謁者帥其屬以  
樽罍篚入設於位自東陞者享日未明十五刻太官令  
帥宰人以鑿刀割牲祝史以豆取毛血置于饌所其

廚及諸司供事便次守官與享日未明五刻司設服  
金吾相知重於壇東張設

### 饋食

享日未明三刻諸享官各服其服女史及司醢各帥  
其屬入實樽罍及幣犧尊實以醴齊象尊實以盞齊  
山罍實以清酒齊加明水酒加  
元酒各實于上也太官令實諸籩豆簠簋俎等內外謁  
者帥其屬諸廚奉饌入設於饌幔內內侍之屬與司  
膳等守掌之其  
三牲之內不上神俎者亦太官付內謁者同日預進質  
人以供班昨自供享日之物並諸司前一預進質  
明女相者引享官以下就壇外位儀下女史充尚掌  
贊帥女史先入就位女相者引典正女祝及女史女  
祝史女祝史充女祝史充之與女執尊罍篚罍者入自

東門當壇南北面西上立定掌贊曰再拜女史承傳  
凡掌贊者詞典正以下各就位司樂帥女工人入就  
位女相者各引享官入就位立定掌贊曰再拜女相  
者尚宮之左白有司謹具請行事退復位典樂跪舉  
麾凡取物者亦跪而取以典鼓祝奏永和之樂以姑  
奠物亦跪奠訖而後興洗之均自後壇下之三成偃麾憂敵樂止凡樂皆展  
樂自後奏始洗鼓祝而後作偃麾憂敵而後止掌贊曰再拜在位者皆再拜女祝跪  
取幣於篚興立於尊所女相引尚宮詣壇升自南陸  
北面立女祝奉幣東向進尚宮受幣登歌作肅和之  
樂以南呂之均女相者引尚宮進北向跪奠於神

坐與女相者引尚宮少退北向再拜訖登歌止女其  
服升設先蠶氏神坐於壇上北方南向席以莞設神  
位於坐首相者引尚宮降自南陸還本位初享官  
以下拜訖女祝史奉毛血之豆立於內壝東門外於  
登歌止女祝史奉毛血入升自南陸女祝迎引於壇  
上進跪奠於神坐前與女祝史退立於尊所尚宮既  
升奠幣司膳出帥女進饌者奉饌陳於內壝東門之  
外尚宮既降復位司膳引饌入俎初入門雍和之樂  
作自後酌獻饌至陸樂止女祝史進跪徹毛血之豆  
皆奏雍和降自東陸以出饌升自南陸女祝迎引於壇上設於

神坐前簋豆蓋纂先徹于下簋設訖司膳帥女進饌者降自東陞復位女祝還尊所女相者引尚官詣壘洗盥手洗爵訖女相者引尚官升自南陞詣犧尊所執尊者舉纂尚官酌醴齊樂作女相者引尚宮進先蠶氏神坐前北向跪奠爵興女相者引尚宮少退北向立樂止女祝持版進於神坐之右東南跪讀祝文曰維某年歲次月朔日子皇后某氏謹遣某官妾姓敢昭告于先蠶氏惟神肇興蠶織功濟黔黎爰擇嘉時式遵令典謹以製幣犧齊粢盛庶品明薦于神尚饗訖興尚宮再拜初讀祝文訖樂作女祝進跪

奠版于神坐興還尊所尚宮再拜訖樂止女祝以爵酌壘福酒進於尚宮之右西向立尚宮再拜受爵跪祭酒啐酒奠爵興女史帥女進饌者持籩俎進女祝減神坐前三牲胙肉皆取前脚各置一俎又以籩取稷黍飯共置一籩女祝先以飯籩西向進尚宮受以授女進饌者女祝又以胙俎以次進尚宮每受以授女進饌者尚宮跪取爵遂飲卒爵女祝進受爵復於坫尚宮興再拜女相者引尚宮降復位初尚宮獻將畢女相者引尚儀詣壘洗盥手洗爵訖升自東陞詣象尊所執尊者舉纂尚儀酌盞齊女相者引進

神坐前北面跪奠爵興女相者引尚儀少退北向再拜女祝以爵酌鬯福酒持進尚儀之右西向立尚儀再拜受爵跪祭酒遂飲卒爵女祝進受爵復於坫尚儀再拜女祝等引自東陞復位初尚儀獻將畢又女相引尚食詣罍洗盥手洗爵升酌盞齊終獻皆如亞獻之儀訖女相者引降復位女祝進跪徹豆興還樽所徹者籩豆各一永和之樂作掌贊曰再拜在位者皆再拜訖樂一成止女相者進尚宮之左白請就望瘞位女相者引尚宮就望瘞位掌贊女史轉就瘞培西南位東向立於衆官將拜女史執篚進神坐前

跪取幣興降自南陞西行詣瘞培以幣置於培訖掌贊曰可瘞培東西各四人寘土半培女相者進尚宮之左白禮畢女相者引尚宮出又女相者引引享官以次出初白禮畢掌贊帥女史還本位典正女祝以下俱復執事位立定掌贊曰再拜典正以下皆再拜訖引出女工人以次出其祝版燔於齋所其祝版郊社令預送付內侍享前一日內侍進御署訖皇太后北面再拜近侍奉版出授內侍送享所享前之平明女祝以版奠於坫

大唐開元禮卷第四十九

大唐開元禮卷第五十

吉禮

有司享先代帝王

前享五日諸享官各散齋三日於正寢致齋二日於

其廟所其無廟者祭於壇散齋理事如舊唯不吊喪問

疾不作樂不判署刑殺文書不行刑罰不預穢惡致

齋唯享事得行其餘悉斷其祭官已齋而闕者通攝

行事其祭官以當州長諸享官致齋之日給酒食及

明衣各習禮於齋所前一日所管縣官請掃內外

整拂神坐無廟者享日未明縣官帥其屬入詣壇東

階排設神生于壇上近北南向席以莞已

後陳設行事皆依設配坐於神坐東南西向席以  
准在廟之位也  
莞又為瘞坎於廟後土地方深取足容物贊禮者設  
初獻位於東階東南亞獻終獻位於初獻之南少退  
俱西南北上設掌事者位於懸獻東南重行西面以  
北為上設贊唱者位於終獻西南西北上設望瘞位  
於廟堂東北西向又設贊唱者位於瘞培東北南向  
東上設享官以下位於南門之外道東重行西面以  
北為上無廟者即設享官以下位於壇東祭器之數  
每坐尊六遵十豆十簋二簠二鉶三俎三縣官帥其  
屬升設尊于廟堂上前楹門室戶之外北向正坐之

樽在東西配坐之樽在東尊皆加勺纂有站以設幣

篚於樽所設洗於東雷南北畧水在洗東篚在洗西

南肆實爵三巾二在篚加勺纂執尊畧洗篚者之後

享日未明烹牲於廚夙興掌饌者實祭器牲醴牛羊

胖前脚三節一版皆載之後脚三節一版去上節

下二節又取正脊胾豕橫正脊代短脊各二骨以並

餘皆不設蓋實稻黍十實韭醢著菹鹿醢苾苾兔醢筍

鹿脯白餅黑餅豆十實韭醢著菹鹿醢苾苾兔醢筍

無者各以其正充之也諸享官以下各服祭服三品

四品繡冕五品元縣官帥其屬入實樽畧及幣每坐  
冕六品以下爵弁縣官帥其屬入實樽畧及幣之尊  
實于上尊幣用帛長一丈八尺色用白祝版各置  
於坫贊唱者先就位祝與執尊畧篚者入位於庭重



行北面以西為上定立贊唱者曰再拜祝以下俱再

拜執尊者升自東階壇則升自東階以後准此立於尊所執壘筐

者各就位升自東階行掃除於上降行掃除於下訖

各引就位贊明贊禮者引享官以下俱就門外位少

頃贊禮者引享官以下以次入就位立定贊唱者曰

再拜在位者皆再拜贊禮者進初獻之左白有司謹

具請行事退復位跪取幣於筐各立於尊所凡取物者皆俛

伏跪取而後奠物則宰饌者帥執饌者奉饌陳於

南門之外壇則本饌陳於東階門外贊禮者引初獻升自東階其

則升自南階已後進當神坐前北面立祝以幣東向

初獻升階皆准此

進初獻升受幣祝還尊所贊禮者引初獻入跪奠於

神坐與出戶北向再拜贊禮者引初獻入當配座西

壁下東面立祝以幣北向進初獻受幣祝還樽所贊

禮引初獻進東面跪奠於配坐與退復位東面再拜

贊禮者引初獻降復位掌饌者引饌者入升自東階

壇則升自南階祝迎引於階上各設於神坐前掌饌者帥

執饌者各復本位祝還尊所贊禮者引初獻詣盥洗

盥手洗爵升自東階詣酒尊所執尊者舉簾初獻酌

醴齊贊禮者引初獻入詣神坐前北向跪奠爵與

出戶北酒尊所執尊者舉簾初獻酌醴齊贊禮者引

初獻入詣 神坐前北面跪奠爵興出戶北向立祝  
持版進於神坐之右東面跪讀祝文訖興初獻再拜  
祝進跪奠版於神坐興還尊所贊禮者引初獻詣配  
坐酒尊所取爵于坫執尊者舉冪初獻酌醴齊贊禮  
者引初獻入東面跪奠於配坐前興退立于西壁下  
東面立祝持版入立於配坐之左北面跪讀祝文訖  
興初獻再拜祝進跪奠版於配坐興還尊所贊禮者  
引初獻出戶北向立各以爵酌清酒合置一爵天祝  
持爵進初獻之右西向立初獻再拜受爵跪祭酒啐  
酒奠爵興祝各帥執饌者以俎跪減 神坐前三牲

胙肉各取前節共置一俎上以授初獻初獻受以授

掌饌者初獻跪取爵遂飲卒爵祝受爵復于坫初獻  
興再拜贊禮者引亞獻詣罍盥手洗爵升自東階  
詣酒尊所執尊者舉冪亞獻酌盞齊贊禮者引亞獻  
入詣神坐前北向跪奠爵興出戶北向再拜贊禮者  
引亞獻詣配坐酒尊所取爵于坫執尊者舉冪亞獻  
酌盞齊贊禮者引亞獻入詣配坐前東面跪奠爵興  
退于西壁下東面再拜出戶北向立祝各以爵酌清  
酒合置一爵裏天祝持爵進于亞獻之右西面立亞  
獻再拜受爵復跪奠祭酒遂飲卒爵祝受爵復於坫

亞獻與再拜贊禮者引亞獻降復位初亞獻獻將畢  
贊禮者引終獻盥洗升獻飲福如亞獻之儀訖贊禮  
者引終獻降復位祝各進神坐前跪徹豆與還樽  
所徹者豆各一贊唱者曰再拜非飲福受昨再拜  
少移于故處訖贊者唱各再拜獻官已官皆再拜贊禮進初獻之  
左白請就位望瘞位贊禮者引初獻就望瘞位西向  
立贊唱者轉立于望瘞東北位初獻官拜獻祝各進  
神坐前跪取幣興降自西陞壇則降詣瘞培北南面北  
以幣置於坎贊唱曰可瘞培東面西各二人奠土半  
培贊禮者進初獻之左白禮畢遂引初獻以下出贊

唱者還本位祝與執尊壘者俱復執事位立定贊唱  
者曰再拜祝以下皆再拜以出祝版焚於齋所帝嚳  
祭文維某年歲次月朔日子開元神武皇帝諱謹遣  
具官姓名敢昭告于 帝高辛氏惟帝能序三辰功  
施萬物式遵祠典故以犧齊粢盛庶品祇薦于 帝  
高辛氏尚饗 帝堯神祝文維某年歲次月朔日子  
開元神武皇帝諱謹遣具官姓名敢昭告于 帝陶  
唐氏惟帝則天行化光被四表式遵祠典故以製幣  
犧齊粢盛庶品祇薦于 帝陶唐氏尚饗 配坐祝  
文維某年月朔日子 開元皇帝遣官姓名敢昭告

于 唐司徒惟 公敬敷五教宏贊彝倫率由舊章  
配享于 帝陶唐氏敬以制幣犧齊粢盛庶品明薦  
于唐司徒公尚饗 帝舜祝文維某年月朔日子  
開元神武皇帝諱謹遣具官姓名敢昭告于 帝有  
虞氏惟 帝道光七政績宣五典式遵故實敬以制  
幣犧齊粢盛庶品祇薦于 帝有虞氏尚饗配坐祝  
文維某年歲次月朔日子 開元神武皇帝諱謹遣  
具官姓名敢昭告于 始祖皋陶氏伏惟爰定五刑  
載敷九德率由舊典配享于 帝有虞氏敬以制幣  
犧齊粢盛庶品明薦于 皋陶氏尚饗 夏王禹祝

文維某年歲次月朔日子開元神武皇帝 諱謹遣  
具官姓名敢昭告于 夏王禹惟 王克平九土功  
施萬代式遵故實敬以制幣犧齊粢盛庶品祇薦于  
夏王禹尚饗配坐祝文維某年歲次月朔日子開元  
神武皇帝諱謹遣具官姓名敢昭告于 伯益氏惟  
公贊下土克蕃庶物率由舊章配享于 夏王禹敬  
以犧齊粢盛庶品明薦于 伯益氏尚饗 殷湯祝  
文維某年月朔日子開元神武皇帝諱謹遣具官姓  
名敢昭告于 殷王湯惟 王革命黜暴功濟天下  
遵祠典敬以制幣犧齊粢盛庶品祇薦于 殷已湯

尚饗配坐祝文維某年歲次月朔日子 開元神武  
皇帝謹遣具官姓名敢昭告于 伊尹氏維公弼諧  
政道功格天地率由故實配享于 殷王湯敬以制  
幣犧齊粢盛庶品明薦于伊尹氏尚饗 周文王祝  
文維某年月朔日子 開元神武皇帝諱謹遣具官  
姓名敢昭告于 周文王受命作周經緯天地式遵  
祠典敬以制幣犧齊粢盛庶品祇薦于 周文王尚  
饗配坐祝文維某年月朔日子 開元神武皇帝遣  
具官姓名敢昭告于 太公惟公純德孔明翼成周  
室率由舊典配享于 周武王敬以制幣犧齊粢盛

庶品明薦于 齊太公尚饗 周文王祝文維某年  
月朔日子 開元神武皇帝謹遣具官姓名敢昭告  
于 周武王惟 王應天順人克定禍亂式遵祠典  
敬以制幣犧齊粢盛庶品明薦于 周武王尚饗配  
坐祝文維某年月朔日子 開元神武皇帝遣具官  
姓名敢昭告于 周文王邵康公惟公道克十亂功  
著分陝率由舊典配享于 周武王敬以制幣犧齊  
粢盛庶品明薦于 周文王邵康公尚饗 漢高帝  
祝文維某年月朔日子 開元神武皇帝諱謹遣具  
官姓名敢昭告于 漢高帝惟 帝神武應期載安

區夏式遵祠典以制幣犧齊染盛庶品祇薦于漢  
高帝尚饗配坐祝文維某年月朔日子開元神武  
皇帝遣具官姓名敢昭告于蕭相國惟公翼成漢  
業厥功惟茂率由舊章配享于漢高祖敬以制幣  
犧齊染盛庶品明薦于蕭相國尚饗

大唐開元禮卷第五十

大唐開元禮卷第五十一

吉禮

薦新于太廟 季夏祭中霤于太廟

孟冬祭司寒納水開水附興慶宮祭五龍壇

薦新于太廟

薦新之日太廟令帥齋郎灑掃于廟之內外預饌  
所薦之物于神廚若有酒者廟司設謁者引太常卿  
入立于東門之內道北西向謁者贊引稱再拜太常  
卿再拜進饌者奉饌入自正門升自太階各設於  
神坐前奠豆蓋訖降自東階以出謁者引太常卿

升自冬階詣獻祖室戶前盥洗酌獻訖再拜又再拜  
若無酒即訖謁者引太常卿復位謁者贊拜太常卿  
但再拜也再拜訖謁者引薦新物冬魚蔗筍蒲白

韭 薑 登豆 小豆 蕺荷 菱人 子薑

菱索 春酒 桑落酒 竹根 梁米 黃米

粳米 糯米 稷米 茄子 甘子 甘蔗 藕

芋子 鷄頭人 苜蓿 蔓菁 胡瓜 冬瓜

瓠子 春魚 水蘇 枸杞 芡茨子藕 大菱麩

瓜 油麻 麥子 椿頭 蓮子 粟米 甘子

櫻桃 李 杏 林檎 橘 椹 菴羅果 棗

菟脾 麋 鹿 兔 野雞

薦新物皆以品物時新堪供進者所司先送太常令  
尚食相知簡擇仍以滋味與新物相宜者配之以薦  
皆如上儀

### 祭中雷

季夏土王日祭中雷于太廟之庭 前祭三日諸  
享官散齋二日於正寢致齋一日於廟所 散齋理  
事如舊唯不弔喪問疾不作樂不判署刑殺文書不  
行刑罰不預穢惡致齋惟祭事得行其餘悉斷其祭  
官已齋而闕者通攝行事 前祭一日衛尉陳設如

常祭日未明十刻太官丞具特牲之饌未明一刻太  
廟令帥其屬入布 神坐於 廟庭西四門之內道  
南東向席以莞設 神位于坐首設酒樽于 神坐  
東南設洗又於酒樽東南俱北向壘水在洗東篚在  
西南肆中爵實以奉禮設太廟令位于 神坐東南執  
事者位于其後俱北向西上設門外位皆於東門之  
位道南重行北向以西為上 質明諸行事之官各  
服其服良醞之屬入實樽壘太官丞監實籩豆簋簠  
贊引引太廟令又贊引引執事者俱就門外位太祝  
與執樽壘篚者先入詣 神坐前西向再拜訖各就

位立定贊引引 太廟令又贊引引執事者入就位  
贊引贊拜 太廟令以下皆再拜太官令丞出詣饌  
所贊引進 太廟令之左白有司謹具請行事退復  
位太官丞引饌入太祝迎引于坐首設神於坐前訖  
太官丞以下還本位太祝還樽所贊引引 太廟令  
請壘洗手洗爵詣酒樽所執樽者舉冪太廟令酌  
酒贊引太廟令進 神坐前西向跪奠爵俛伏興少  
退西向立太祝持版進于神坐之右北向跪讀祝文  
曰維某年歲次月朔日子開元神武皇帝謹遣具位  
姓名敢昭告于中霤賴茲保養昭庶以安武荷神功



祇率恒禮爰以持牲薈合薈其嘉疏嘉薦醴酒明祀  
于神尚饗訖興太廟令再拜太祝進跪奠版於  
神坐俛伏興還樽所太祝以爵酌福酒進太廟  
令之左北面立太廟令再拜受爵跪祭酒遂飲卒  
爵太祝進受爵復還尊所太廟令俛伏興再拜贊引  
引還本位太祝進跪徹豆俛伏興還樽所徹者少移于故處  
太祝與執樽壘篚者俱復位立定贊引贊拜太廟令  
以下皆再拜贊引進太廟令之左白禮畢遂引太  
廟令以下出其祝版燔於齋坊

祭司寒納水

納水開水禮附

前三日諸祭官散齋二日於正寢家致齋一日於祭  
所右校掃除祭所衛尉陳設如常祭日未明十刻  
太官丞具特牲之饌未明一刻郊社丞入布神坐  
於北廟南向設神於坐首又帥其屬設酒樽於  
神坐東南設洗於樽東南俱北向壘水在西南肆篚實  
以巾執樽壘篚者各位於樽壘篚之後上林令設桃  
棘矢於水室戶內之右祭訖遂留之奉禮設上林令位於  
神坐東南執事者陪其後俱重行西向以北為上  
質明上林令以下各服其服郊社丞良醴之屬入  
實樽壘太官丞監實遵豆簋簠贊引引上林令又贊

引引執事者俱就門外位立定太祝與執樽壘筐者  
先入立於神前北向俱再拜訖各就位贊引引執  
事者俱入就位立定贊引贊拜上林令以下皆再拜  
太官丞出詣饌所贊引進上林令之左白有司謹具  
請行事退復位太官丞引饌入太祝迎于坐首設於  
神前訖太官丞以下還本位太祝還樽所贊引引  
上林令盥手洗爵詣酒樽所執樽者舉簾上林令酌  
酒贊引引上林令進神坐北向跪奠爵俛伏興少退  
北向立太祝持服版進於神坐之右東面跪讀祝  
文曰維某年歲次十月朔日開元神武皇帝謹遣某

官姓名敢告于元冥之神順茲時令增冰堅厚式遵  
常典將細凌陰謹以元牝秬黍嘉薦清酌明祀于神  
尚饗訖興上林令再拜太祝進跪奠版于神坐俛  
伏興還樽所太祝以爵酌福酒進上林令之右西向  
立上林令再拜受爵跪祭酒還飲卒爵太祝進受爵  
復于樽所上林令跪俛伏興再拜贊引引還本位太  
祝進跪徹豆俛伏興還樽所徹者少移太祝與執樽  
壘筐者俱復位立定贊引引拜上林令以下皆再拜  
贊引進上林令之左白禮畢贊引引上林令以下出  
其祝版燔于齋坊

興慶宮祭龍壇

將祭有司筮日如前儀 前祀三日諸預祭之官散齋二日致齋一日散齋于寢致齋于祀所也致齋理事如舊惟不弔喪問疾不作樂不行刑罰不判刑殺文書不預穢惡致齋惟祭事得行其餘悉斷其祭官已齋而闕者通攝行事前祭土日守宮設祭官次於東壇之外道南北向以西為上設陳饌于內壇東門之外道南北向太樂設判懸之樂于壇南右校掃除壇之内外前祀一日晡後一刻諸衛令其屬各以其方器服守衛壇門清齋一宿奉禮設獻官位于南壇東南西向

執事位于獻官西南贊者二人在南差退設祭官以下門外位于東壇之外贊南每等異位重行北向以西為上郊社令帥齋即設散樽五龍各二於壇上東南隅北向西上尊者勺幕有也設洗於壇東南北向壘水在洗東篚在洗西南肆篚實也執樽壘篚幕之後祀日未明十刻太官令帥宰人以鑿刀烹牲於廚牲以未明三刻郊社令帥齋即各服其服升設五龍坐於壇上近北南面東上席以莞設神位各於坐首未明一刻祭官以上各服其服郊社令與良醴之屬入實樽壘太祝以幣置於篚太官令帥進饌者實諸籩豆簋

簋等設於饌幔內質明謁者引獻官以下就門外位  
奉禮帥贊者先入就位執樽壘冪者入當壇南重行  
北面以西為上立定奉禮曰再拜贊者承傳執壘筐  
冪者皆再拜訖執樽壘筐冪者自東階升立于樽所  
各就位太樂帥工人入就位謁者進獻官之左白有  
司謹具請行事退復位協律郎跪俛伏舉麾鼓祝乃  
奏之樂以姑洗之均樂舞三成偃麾戛歌樂止奉禮  
曰衆官再拜在位者皆再拜訖復位太祝取幣於筐  
立于樽所太官令帥進饌者奉饌陳于東門外謁者  
引獻官詣南階升北向立太祝以幣授獻官獻官獻

官授幣登歌作以南呂之均謁者引獻官進北面跪  
奠於青龍之坐前諸坐皆太祝助奠俱畢獻官再  
拜訖登歌止謁者獻官降自南階還本位太官令引  
饌入升自南階太祝迎引於壇上設饌于神坐訖降  
復位謁者引獻官詣壘洗盥手洗爵訖引升南階詣  
壘所執樽者舉冪獻官酌酒謁者引進神坐前北向  
跪奠爵於青龍之坐太祝等助奠詣坐俱畢少退  
向北立太祝持版進于青龍坐之右東向跪讀訖  
獻官再拜太祝進跪奠版於神坐俛伏興還樽所太  
祝以爵酌壘福酒進獻官之右西向立獻官再拜受

爵跪祭酒奠爵與太祝帥齋郎進俎太祝跪減神前  
胙肉與以授獻官獻官受以授齋郎獻官跪取爵遂  
飲卒爵太祝進受爵復于坫獻官再拜謁者引降復  
位太祝跪徹豆俛伏興還樽所奉禮曰賜昨贊者唱  
衆官再拜在位者再拜獻官不拜奉禮又曰再拜在位者  
俱再拜謁者進獻官之左白禮畢遂引獻官以下出  
太祝以下復執事位立定奉禮曰再拜訖出其祝版  
燔於齋所如沉玉於川臨  
時別取進止

大唐開元禮卷第五十一

大唐開元禮卷第五十二

吉禮

皇帝視學

視學前一日所司灑掃學堂之內外尚舍設大次於  
學堂之後守宮設皇太子次于大次之東皆隨地  
之宜並如常儀尚舍設御坐于學堂上北壁下當  
中南向監司設講稱於皇太子坐御坐之西南  
向設執讀坐於前楹間當講榻北向尚舍又設皇  
太子坐於御坐東南西向設文官三品以上坐于  
皇太子之南少退重行西面北上設武官三品以上

坐于講榻西南當文官重行東面上北設侍講坐於  
執讀西北武官之前東面北上其執如意者一人立  
設論義坐於講榻之前北面三館學官坐于武官之  
後設脫履席于西階下典儀設版位 皇太子於東  
階東南西面執經西南東面文官三品以上于皇太  
子東南重行西面北上武官三品以上於執經西南  
侍講執讀如意等于執經之後皆重行東面北上設  
典儀位于東階之西贊者二人在南差退俱西面

出宮

前出宮三日本司宣攝內外各供其職其日應從

駕文武官依時刻俱集朝堂諸衛陳設伏衛侍中版  
奏外辦 皇帝乘馬文武侍從並如常行幸之儀

駕將至祭酒帥監官學生等奉迎于路左學生青駕

至大次門外降入如常視學 皇帝既入大次執經

侍講執讀執如意等及學官各服公服典儀帥贊者

先入就位謁者贊引引文武三品以上及執經以下

學官等入就堂下位 皇太子立于學堂門外之東

西向侍衛如常侍中版奏外辦 皇帝出大次升自

北階即御坐南向坐侍臣及近侍量人從升典儀一

人就東階上西面立舍人引 皇太子就位立諸衛

率庶

太子等量人從入立于皇奉禮曰再拜贊者承傳皇  
太子以下在位者皆再拜侍中跪奏稱請勅皇太  
子及公主等升坐又侍郎制曰可侍中詣東階上  
西面稱勅皇太子及公王等升殿上典儀承傳階  
下贊者又承傳皇太子以下應坐皆再拜訖通事  
舍人引皇太子及群官應坐者各從升坐訖其公  
服者  
脫履于階下及執讀讀所講經釋義訖遂行如意侍  
降納皆如常儀講者執如意就論義坐以次論義難訖侍中跪奏禮  
畢群官皆起通事舍人各降堂下位若有勅賜會  
則侍中前承制降詣堂下宣勅及太官下食案等

並如常儀皇帝降坐還大次侍衛如常儀群官以  
下會訖皆出執經以下改服常服學生仍  
青衿服

車駕還宮

皇帝既還大次侍中量時刻版奏外辦皇帝出次  
文武官陪從還宮如來儀初駕出國子祭酒帥監  
官學官學生等奉迎于路左如常式

大唐開元禮卷第五十三

吉禮

皇太子釋奠於孔宣父

皇太子散齋三日於別殿致齋二日於正殿前致齋

一日典設郎設皇太子幄坐於正殿東序及屋內

俱西向又張帷于前楹下殿若無室張帷為之致齋之日質明

諸衛率各勒所部屯門列仗如常晝漏上水一刻左

庶子版奏請中嚴近仗就陳於閭外通事舍人引宮

目文武七品以下袴褶陪位如式諸侍衛之官各服

其器服諸侍臣並結珮俱詣閭奉迎左庶子版奏外



辨上水三刻 皇太子服通天冠絳紗袍結珮以出  
侍衛如常 皇太子即坐西向坐侍臣夾侍如常一  
頃刻左庶子臣某言請降就齋室俛伏興還侍位  
皇太子降坐入室文武侍臣各還本司直衛者如常  
典謁引陪位以次出凡預享之官散齋三日致齋二  
日散齋皆於正寢致齋一日于本司一近侍之官應  
日散齋皆於正寢致齋一日于本司一近侍之官應  
從升者各從享官監官學生等各於本司及學官俱  
清齋一宿散齋理事如舊惟不弔喪問疾不作樂不  
劓署刑殺文書不行刑罰不預穢惡致齋惟享事得  
行其餘悉斷其享官已齋而闕者通攝行事諸享官

致齋之日給酒食及明衣各習禮于齋所太官令取  
明水火取水于陰鑿取火于陽前享一日諸衛令其  
屬未到一刻各以其方器服守衛廟門及太樂工人  
俱清齋一宿

陳設

前享三日典設郎 皇太子便次于廟東西向又設  
便次于堂學之後隨地之宜守設宮文武侍臣次各  
于便次之後文左武右設諸享官次于齋坊之內從  
享之官于廟東門之外隨地之宜前享二日太樂令  
設軒懸之樂于廟庭東方西方磬簾起北鐘簾次之

方北方磬簾起西鐘簾次之設三鐃鐘于編懸之間  
各依辰位樹路鼓于北懸之間道之左右植建鼓於  
三隅置祝敔於懸內祝在左敔在右設歌鐘磬于廟  
堂之上前楹間北向磬簾在西鐘簾在東其匏竹者  
立于堂下階間重行東向相對為首凡懸皆展諸工而編之  
人各位於懸後右枝掃除內外為瘞埴于院內堂之  
壬地方深取足容物南出陛前享一日奉禮設皇  
太子位於東階東南西向又設望瘞位于廟堂東北  
當埋埴西向設亞獻終獻于皇太子東南執事者  
於其後俱重行西向設御史位於廟堂之下西南東

向令史陪其後設奉禮位于樂懸東北贊二人在南  
差退俱西面又設奉禮贊者位于埋埴東北南面北  
上設協律郎位於廟楹近西之間東向設太樂令位  
於北懸之間北向從享羣官七品以上位於樂懸之  
東當執事西向監官學官位于樂懸之西宮官東向  
設學生位於宮官監官學官之後俱重行北上設門  
外位亞獻終獻位于門之外道南執事位於其後每  
等異位俱北向西上監官學官位于獻官南從享官  
官位於學官之東俱重行北面以西為上設酒樽位  
于廟堂之上先聖犧樽二象樽二山罍二在前楹

間北向 先師犧樽二象樽二山罍二在先聖酒樽  
之東俱西向尊者加勺置爵其先師之設洗於東階  
東南亞獻之洗又於東南俱北向罍水在洗東篚在  
洗西南肆執樽罍篚冪者各于樽罍篚冪之後設幣  
篚二各于樽坫之所與設卽設 皇太子坐于學堂  
之上東壁下西向監司設講榻于北壁下南向又設  
執讀者坐于前楹間當講榻北向守宮設太傅少傅  
坐于 皇太子西北面皆東上若有今令詹事以下  
生帥設坐于皇太子  
西南北向侍講者坐于執讀西北執如意者一人立  
于侍讀之西  
三館學官非侍講者坐于侍讀之西北面東上若有

上臺三品以上觀講者設坐於侍講之北南面東上  
設論義坐於講榻之前近南北面設脫履席于西階  
之南東向掌儀設版位官官七品以上于東階東南  
西向北上執經侍講等於西階西南監官及學官非  
侍講于侍講之後若有上臺三品以上觀講者位于  
執經之北少退重行皆東面北上學生分位于宮官  
學官之後皆重行北上設掌儀位于宮官西北贊者  
二人在南皆西向脯後郊社令帥齋郎以樽坫罍洗  
冪篚入設於位升堂者謁者引司業詣廚視濯溉凡  
尊者每由贊引引御史詣廚省饌具司業以下每事  
一造巡

享日未明十五刻太官令帥宰人以鸞刀割牲祝史以豆二取毛血置於饌所遂烹其牲用太牢二正坐及先師首坐俎皆升下折十一體左印明以未明五刻郊社令帥其屬及廟司各服其服升設先聖神坐於堂上西楹間東向設先師神坐於先聖神坐東北南向西上若前堂不容則又于室外之東席皆以莞設神坐各于座首屋陳而北東向南上

出宮

前出宮二日本司宣攝內外各供其職守宮設從享宮官次于東宮朝堂如常其日未明所司依鹵簿陳設於重明門外奉禮設從享宮官位於東宮廟堂如

常文武官七品以上依時刻俱集於次各服公服諸

衛率各勒所部陳設如式左庶子版奏請中嚴典謁

引宮官各就位諸侍衛之官各服其器服左庶子百重如式

俱謁閣奉迎僕車軺車於西閣外南向若須乘輦則聽臨時進止

內率一人執刀立於車前北向中允一人在侍臣之

前贊者二人在中允前左庶子版奏外辨僕奮衣而

升正立執轡皇太子等俱服遠遊冠乘輿以出左

右侍衛如常儀內率執轡皇太子升車僕立授綏

左庶子以下夾侍如常儀中允進當車前奏稱請發

引俛伏興退復位凡中允奏請皆當車前跪奏稱其官某言訖俛伏興車動中

允與贊者夾引以出內率夾車趨至重明門至侍臣  
上馬所中允奏稱請諸車權停令侍臣上馬左庶子  
前承令退稱今日諾中允退稱侍臣上馬贊者承傳  
文武侍臣皆上馬庶子以下夾侍於車前贊者在供  
奉官人內侍臣上馬畢中允奏稱請令車右升右庶  
子前承令退稱今日諾中允退復位內率升訖中允  
奏請發引退復位 皇太子車動太傅乘車訓導少  
傅乘車訓從出延喜門下鳴鼓吹從享官乘馬陪從  
如常儀

饋享

享日未明三刻諸享官各服其祭服諸陪祭之官皆  
公服學生青衿服郊社令良醞令各帥其屬入實樽

壘及幣

犧尊實以醞齊象尊實以清酒齊皆加明水  
酒加元酒各實于上尊其幣以白各長一丈

八太官令帥其屬實諸遵豆簋簠俎等未明三刻奉

禮帥贊者先入就位贊引引御史太祝及令史祝史

與執樽篚壘纂者入自東門當階間重行北面西上

立定奉禮曰再拜贊者承傳

凡贊禮有詞御史以下  
贊者皆承傳

皆再拜訖樽壘篚纂者各就位贊引引御史太祝詣

東階升堂行掃除於上令史祝史行掃除于下訖降

還齋所奉禮以下次還齋所 皇太子將至謁者贊

引各引享官及從享學官俱就門外位學生皆就門  
內位 皇太子至孔子廟門外迴車南向內內率降  
立於車左右庶子進當率前跪奏稱左庶子臣某言  
請降車還侍位 皇太子降乘輿之便次侍衛如常  
郊儀社令以版進 皇太子署其近臣奉出郊社令  
受各奠於地未明一刻謁者贊引引從享官官就門  
外位奉禮帥贊者先入就位贊引引御史以下入就  
位太樂令帥工人二舞次入就位文舞入陳於懸內  
武舞立于懸南道西其升堂坐者皆統謁者引祭酒  
履于下降納如常謁者引祭酒  
入就位立定奉禮曰再拜祭酒再拜訖謁者引祭酒

詣東階升堂行掃除於上降行樂懸於下訖引還本  
位初祭酒行樂懸謁者贊引祭官及陪祭之官次入  
就位 皇太子停便次半刻頃率更令立於便次門  
外當東向左庶子版奏外辨 皇太子出便次侍衛  
如常儀率更令引 皇太子至廟東門中允進笏  
皇太子執笏近侍者從入如常儀 皇太子至版位  
向立每立定率更令退立于左率更令前啟再拜退復位 皇太  
子再拜奉禮曰衆官再拜衆官在位者皆再拜其先  
拜者率更令前啟有司謹具請行事退復位協律郎跪  
俛伏舉麾奏永和之樂以姑洗之均自後堂下接神  
之樂皆奏姑洗

文舞之舞樂舞三成偃麾憂敵樂止

凡樂皆協律部舉麾工鼓祝而

後作偃麾憂敵而後止

率更令前啟再拜退復位

皇太子再拜

奉禮曰衆官再拜衆官在位者及學生皆再拜太祝

各跪取幣于篚立於樽所率更令引皇太子永和

之樂作皇太子再行皆作永和

皇太子自東階升左庶子以

下及左右侍衛量人從升

以下皆如之

皇太子升堂進

先聖神坐前西向立樂止太祝以幣授左庶子左庶

子奉幣北向進

皇太子搢笏授幣

每受物搢笏奠訖執笏後伏與

登歌作肅和之樂以南呂之均率更令引

皇太子

少退西向再拜訖率更令引

皇太子進

先師首

坐前北向立又太祝以幣授左庶子左庶子奉幣西

向進

皇太子受幣率更令引

皇太子進北向跪

奠於

先師坐首俛伏興率更令引

皇太子少退

北向再拜登歌止率更令引皇太子樂作皇太

子降自東階還版位西向立樂止初羣官拜訖祝史

各奉毛血之豆於東門外于登歌止祝史奉毛血升

自東階太祝迎取於階上進奠於先聖及先師首

坐前太祝與祝史退立于樽所初皇太子既升奠

幣太官令出帥進饌者奉饌陳於東門之外初皇

太子既至樂止太官引饌入俎初入門奏雍和之樂

自後酌獻饌至階樂止祝史各進跪徹毛血之豆降  
皆奏雍和自東階以出饌升太祝迎引於階上各設於神坐前  
籩豆蓋籩先徹乃升籩設訖太官令以下降復位太  
祝還樽所率更令引皇太子詣壘洗樂作皇太  
子至壘洗樂止左庶子跪取匱興汲水又左庶子跪  
取盤承水皇太子盥手中允跪取中於筐興進  
皇太子盥手訖中允受中跪奠於筐遂取爵於筐興  
進皇太子受爵左庶子酌壘水又左庶子奉盤  
皇太子洗爵中允又授中如初皇太子拭爵訖左  
庶子奠盤匱中允受中奠於筐皆如常率更令引太

子樂作至先聖酒樽所執樽者舉籩左庶子贊酒  
齋訖樂作率更令引皇太子進先聖神坐前西  
向跪奠爵俛伏興率更令引皇太子少退西向樂  
止太祝持版進于神坐之右北面跪讀祝文曰維  
某年歲次月朔日子皇太子敢昭告于先聖孔宣  
父惟夫子固天攸縱誕降生知經緯禮樂闡揚文教  
餘烈遺風千載是仰俾茲末學依仁游藝謹以制幣  
犧齊粢盛庶品茲奉舊章式陳明薦以先師顏子等  
配尚饗訖興皇太子再拜初讀祝文訖樂作太祝  
進跪奠版于神坐興還樽所皇太子拜訖樂止率更



今引至 先師酒樽所執樽者舉冪左庶子取爵於  
坵進 皇太子授爵左庶子贊酌醢齋樂作率更令  
引 先師首坐前北向跪奠爵俛伏興 皇太子少  
退北向立樂止皇太子既奠首坐爵餘坐皆齋即助  
算相次而畢其亞獻終獻齋即助亦  
之如太祝持版進於 先師神坐之左西面跪讀祝文  
曰維某年歲月朔日子皇太子某敢昭告于 先師  
顏子等七十二賢爰以神仲秋率遵故典敬修釋奠  
于 先聖孔宣父惟子等或服膺聖教德冠四科或  
先闡儒風貽範千載謹以制幣帛犧齊粢盛庶品式  
陳明獻從祀配神尚饗訖興 皇太子再拜初讀訖

樂作太祝進跪奠版於神坐興還樽所 皇太子拜  
訖樂止率更令引皇太子詣東序西面立樂作太祝  
各以爵酌上樽福酒合置一爵一太祝持爵授左庶  
子奉爵北向進皇太子再拜受爵跪祭酒啐酒奠爵  
興太祝各帥齋郎進俎太祝跪減 先聖及先師首  
坐前三牲胙肉皆取前脚加於俎又以籩取稷黍飯  
興以胙肉各共置一俎上又以飯共置一籩太祝授  
左庶子左庶子奉飯北向進皇太子受以授左太祝  
以俎授左庶子左庶子以次奉進皇太子每受以授  
左右訖皇太子跪取爵遂飲卒爵左庶子進受爵以

授太祝復於坫皇太子俛伏興再拜樂止率更令引  
皇太子樂作 皇太子降自東階還版位西向立樂  
止文舞出鼓祝作舒和之樂出訖戛敵樂止武舞入  
鼓祝作舒和之樂立定戛敵樂止初 皇太子將復  
位謁者引國子祭酒詣罍洗盥訖謁者手洗爵引祭  
酒升自東階詣 先聖酒樽所執樽者舉罍祭酒酌  
盞齊訖武舞作謁者引祭酒進 先聖神坐前西向  
跪奠爵興謁者引祭酒少退西向再拜謁者引祭酒  
詣 先師酒樽所取爵于坫執樽者舉罍祭酒酌盞  
齊引祭酒進 先師首坐前北向跪奠爵興謁者引

祭酒少退北向再拜訖謁者引祭酒詣東序西向立  
太祝各以爵酌罍福酒合置一爵一太祝持爵進祭  
酒之左北向立祭酒再拜受爵跪祭酒遂飲卒爵太  
祝進受爵復于坫祭酒興再拜謁者引祭酒降位初  
祭酒獻將畢謁者引司業詣罍洗盥訖升酌盞齊  
終獻如亞獻之儀訖謁者引司業降復位武舞止太  
祝等各進跪徹豆興還樽所徹者罍豆各一奉禮曰  
賜酢贊者唱衆官再拜衆官在位者及學生皆再拜  
已飲者永和之樂作率更令前啟再拜復退位 皇  
太子再拜奉禮曰衆官再拜衆官在位者及學生皆

再拜樂一成止率更令前啟請就望瘞位率更令引  
皇太子就瘞位西向立奉禮率贊者轉就瘞埽東北  
位初在位者將拜太祝各執篚進神坐前跪以篚取  
幣降自西階瘞埽東西廂各四人寘土半埽率更令  
前啟禮畢率更令引皇太子還便次樂作皇太子  
出門樂止中允進受笏侍衛如常儀謁者贊引各引  
亞獻以下以次出初白禮畢奉禮帥贊者還本位贊  
引引御史以下俱復執事位立定奉禮曰再拜御史  
以下皆再拜訖贊引引出學生以次出其祝版燔於  
齋坊

### 講學

皇太子既入便次改服常服執經侍講執讀執如意  
及三館學官並服學生仍青衿服餘皆常服掌儀  
帥贊者先入就位謁者各引群官及學生等次入就  
位左庶子版奏外辦皇太子乘輿出便次若須乘馬臨時  
聽進侍衛如常儀至學堂後降輿升自北階即座坐  
左右侍衛量從升太掌儀曰再拜贊者承傳群官及  
傳少傳亦就座坐也學生等在位者皆再拜執經不拜左庶子跪奏請令執經  
等升俛伏興又左庶子稱令曰諾左庶子退降西階  
下立於執經等之前北面宣令云執經以下並升坐

應坐者並再拜執經不拜通事舍人引執經以下升各就座坐其升坐者訖執讀所講經釋義訖執如意者以如意授侍講興受進詣論義坐北面問所疑執經者為之訖興退以如意授持執者退還本坐執如意者以如意次授諸侍講者如上儀訖左庶子跪奏禮畢群官皆起通事舍人各引就堂下位皇太子降座降自北階入舉堂後便次群官以次出執經以下改服常服學生仍青衿服

還宮

皇太子既入便次左庶子版奏請解嚴將士不得離本位皇

太子改服公服停次一刻頃搥鼓為一嚴有司轉伏衛於還塗如來儀二刻頃又搥二鼓為再嚴左庶子版奏請中嚴國子祭酒以下學生以上並出就學外道左奏辭三刻頃又搥三鼓為三嚴僕引進軺車于學門外如常左庶子版奏外辭皇太子乘輿出便次至學門降輿乘車侍衛如常左庶子奏請及車右升降侍臣上馬文武陪從皆如來儀車動鼓吹振作如式至國子祭酒以下奏辭處車權停國子祭酒以下皆再拜通事舍人承令宣勞及拜皆如常車至城隅鼓吹止過廟鼓吹作至延禧門鼓吹止入延禧門

鏡吹作至重明門宮官文武俱下馬 皇太子乘車  
入太傅少傅還 皇太子至殿前迴車南向左庶子  
跪奏請降車乘輿入侍臣從至閣左庶子版奏請解  
嚴將士還本所

大唐開元禮卷第五十三

大唐開元禮卷第五十四

吉禮

國子釋奠于孔宣父 學生束脩

國子釋奠于孔宣父

將享司館預申享日本司散下其禮所司隨職供辦

凡預享之官散齋三日致齋二日散齋皆于正寢致齋二日于本司一

日子享所享無本散齋理事如舊惟不弔喪問疾不

作樂不判署刑殺文書不行刑罰不預穢惡致齋惟

享事得行其餘悉斷其享官已齋而闕者通攝行事

館官及諸學生皆清齋于學館一宿 諸享官致齋

之日給酒食及明衣各習禮于齋所太官令取明水  
火取水于陰監取火于陽前享一日諸衛令其屬未  
燧火以供爨水水實尊後一刻各以其方器服守衛廟門及太樂工人俱清  
齋一日

陳設

前享三日守衛設獻官以下次于齋坊 前享二日  
太樂令設軒懸之樂於廟庭東方西方磬簾起北鐘  
簾次之南方磬簾起西鐘簾次之設三罇鐘於編懸之  
間各依辰位樹路鼓于北懸之間道之左右植建鼓  
于三隅置祝敔于懸內 祝在左 敔在右設歌鐘歌磬于廟堂

之上前楹北向磬簾在西鐘簾在東其苑竹者立于  
堂下階間重行北向相對為首 凡懸皆展 而編之 諸工人各  
位於懸後右校掃除內外又為瘞培於院內堂之壬  
地方深取足容物南出階 前享一日奉禮設三獻  
位於東門之內道北執事位于道南每等異位俱西  
向北上設望瘞位于堂之東北當瘞培之東西向設  
御史陪其後設奉禮位于懸東北贊者二人在南差  
退俱西向又設奉禮贊者位于瘞培東北南面東上  
設協律位于廟堂上前楹之間近西東向設太樂令  
位于北懸之間北向設館官位于懸東執事西南西

向設學官位于懸西當館官東向設學生位于學官  
館官之後俱重行北上若有觀者設位于南門之內  
道左右重行北面對為首得金吾將檢不設三獻門  
外位於東門之外道南執事位于其後每等異位俱  
北向西上館官學官位于三獻東南俱重行北向以  
西為上設酒樽之位于堂先聖犧樽二象樽二象  
二在前楹間北面先師犧樽二象樽二象樽二在  
聖酒樽之東俱西向尊皆加勺簋有坩以置爵其先師之爵同置于坩設洗  
于東階東南北向壘水在洗東篚在洗西南肆篚實以中  
爵執樽壘篚簋者各位于樽壘篚簋之後脯後二刻

郊令帥齋郎以樽壘洗篚簋入設於位升堂者謁者

引祭酒司業詣廚視濯漑凡導引者贊引引御史詣

廚省饌具祭酒司業以下每享日未明十五刻太官

令帥宰人以鸞刀割牲祝史以豆二取毛血置于饌

所遠烹牲其牲用太牢二正坐及先師首坐俎皆升

未明五刻郊社令帥其屬及廟司各服其服升設

先聖神坐于廟堂內西楹間東向設先師神坐于

先聖東北南向其諸弟子冉伯牛仲弓宰我子貢冉

有子路子游子夏閔子騫曾參高柴宓子賤公西赤

林放樊須有若孔忠琴牢梁鯉叔仲會冉孺曾點陳

允漆雕開商瞿司馬耕子張巫馬施秦非商澤鄭國  
公冶長澹臺滅明原憲蘧伯玉公伯寮燕伋秦祖冉  
季左人郢公孫龍任不齊南宮縚秦商廉潔步叔乘  
施常顏之僕狄黑漆雕哆縣成顏路顏噲公祖句茲  
伯虔榮旂顏高秦冉申棖顏辛申黨公皙哀后處曹  
邨奚容蒧石作蜀壤駟赤漆雕徒父樂欬等坐及二  
十一賢左邱明公羊高穀梁赤伏勝高堂生戴聖毛  
萇孔安國劉向鄭眾杜子春馬融盧植鄭元服虔賈  
逵何休王肅王弼杜預范甯等坐以次東陳皆南向  
西上若東陳不容則又于席皆以莞設神位各依坐  
東壁屈陳而南西向

首饋享享日未明三刻諸享官服其祭服諸陪祭之  
官皆公服學生青衿服郊社令良醞令各帥其屬入實

樽壘及幣

犧尊實以醴齊象尊實以盞齊壘實以清  
酒齊加明水酒加元酒各實于上尊其幣

以帛長一丈八尺

太官令帥其屬實諸籩豆簋簠等未明二

刻奉禮帥贊者先入就位贊引引御史太祝及令史  
祝史與執樽壘篚筓者入自東門當階間重行北面  
西上立定奉禮曰再拜贊者承傳凡奉禮有詞御史  
贊者皆承傳御史  
以下皆再拜訖執樽壘篚筓者各就位贊引引御史  
太祝詣東階升堂行掃除于上令史祝史行掃除于  
下訖引就位謁者贊引引享官以下俱就門外位其學生



並入就門內坐 未明二刻太樂令帥工人二舞次

入就位文舞入陳于懸內武舞立于懸南道西其升

脫履于下降納謁者引司業入就位立定奉禮曰再

拜司業再拜謁者引司業詣東階升堂行掃除訖謁贊

降行樂懸于下訖引還本位初司業行掃除訖謁贊

引各引享官以下學官以上次入就位立定奉禮曰

衆官皆拜衆官學官皆再拜其先拜者不拜諸進祭酒之左

白有司謹具請行事退復位協律郎跪俛伏舉麾凡

物者皆跪俛伏而取以興奠鼓祝奏永和之樂以姑

物則奠訖俛伏而後興也洗之均樂皆奏姑洗作文舞之舞樂舞三成偃麾憂

敵而止凡樂皆協律郎舉麾工鼓祝奉禮曰衆官再

拜衆官在位者皆再拜太祝俱跪取幣于筐興各還

于樽所謁者引祭酒升自東階進 先聖神坐前西

向立太祝以幣授祭酒受幣登歌作肅和之樂以南

呂之均謁者引祭酒進西向跪奠于先聖神坐興少

退西向再拜謁者引祭酒當 先師首坐前北向立

又太祝以幣西向授祭酒謁者引祭酒進北向跪奠

于 先師首坐前少退北向再拜登歌者謁者引祭

酒降復位初群官拜訖祝史各奉毛血之豆立東門

外登歌止祝史奉毛血升自東階太祝迎取于階上

進奠于先聖及先師首坐前太祝與祝史退立于樽  
所初祭酒既升奠幣太官令出帥進饌者奉饌陳于  
東門之外初祭酒降復位太官令引饌入俎初入門雍  
和之樂作自後酌獻饌自陞止祝史各進跪徹毛血  
之豆降自東階以出外太祝迎引于階上各設于神  
坐前籩豆蓋籩蓋籩先徹乃升籩設訖太官令以下降復  
位太祝還樽所謁者引祭酒詣盥洗盥手洗爵訖引  
升詣先聖酒樽所執樽者舉簾樂作引祭酒詣  
先聖神坐前跪奠爵俛伏與少退西向立樂止太祝  
持版進于神坐之右北面跪讀祝文曰維某年歲次

月朔日 皇帝謹遣祭酒其封姓名敢昭告于 先  
聖孔宣父惟夫子固天攸縱誕降生知經緯禮樂闡  
揚文教餘烈遺風千載是仰俾茲末學依仁游藝謹  
以制幣犧齊粢盛庶品祇奉舊章式陳明薦以 先  
師顏子等配尚饗太祝興祭酒再拜初讀祝文訖樂  
作又太祝進跪奠版于神坐還樽所祭酒拜訖樂止  
謁者引祭酒詣 先師酒樽所取爵于坫執樽者舉  
簾祭酒酌醴齊樂作謁者引祭酒進先師首坐前北  
向跪奠爵與少退北面立樂止祭酒既奠首坐爵餘  
而下其亞獻終獻太祝持版進于先師神坐之左西  
齊即助奠亦如之

向跪讀祝文曰維某年歲次月朔日子開元神武皇帝謹遣祭官某姓名敢昭告于先師顏子等七十二賢爰以仲春秋率遵故實敬修釋奠于先聖孔宣父惟子等或服膺聖教德冠四科或光闡儒風貽範千載謹以制幣犧齊潔盛庶品式陳明薦從祀配神尚饗太祝興祭酒再拜讀祝文訖樂作太祝奠版于神坐還樽所祭酒拜訖樂止謁者引祭酒詣東序西向立太祝各以爵酌鬯福酒合置一爵一太祝持爵進祭酒之左北向立祭酒再拜受爵啐酒奠爵俛伏興太祝帥齋郎進俎跪減先聖及先師首坐前三

日牲胙肉皆取前脚加于俎又以籩取稷黍飯與以胙肉各共置一俎籩太祝先以飯籩授祭酒祭酒受以授齋郎跪取爵遂飲卒爵以授齋郎授祭酒祭酒每受以授齋郎祭酒跪取爵遂飲卒爵太祝受爵復于坫祭酒俛伏興再拜謁者引祭酒降復位文舞出鼓祝作舒和之樂出訖憂敵樂止武舞入鼓祝作舒和之樂立定憂敵樂止初祭酒獻將畢謁者引司業詣壘盥手洗爵訖謁者引升自東階詣先師酒樽所執樽者舉冪司業盥齊訖武舞作謁者引司業進先聖神坐前西向跪奠爵興謁者引少退西向再拜訖謁者引司業詣先

師酒樽所取爵于坫執樽者舉冪司業酌盞齊謁者引司業進先師首坐前北向跪奠爵興少退司業再拜謁者引司業詣東序西向立太祝各以爵酌壘福合置一爵一太祝持爵進司業之左司業再拜受爵跪祭酒遂飲卒爵太祝進受爵復于坫司業興再拜謁者引降復位初司業獻將畢謁者引博士詣壘洗盥手洗爵訖升酌盞齊終獻如亞獻之儀訖引降復位武舞止太祝等各進跪徹豆興還樽所奉禮曰賜胙贊者唱衆官再拜衆官在位者及學生皆再拜已飲福爰奏永和之樂奉禮曰衆官再拜衆官在位胙者不拜

者及學生皆再拜樂一成止謁者進祭酒之左白請就望瘞位謁者引祭酒就望瘞位西向立奉禮贊者就瘞埽東北位初在位者將拜諸太祝各執篚進神坐前跪取幣興降自西階諸瘞埽以幣置于埽訖奉禮曰可瘞埽東西廂各四人寘土半埽謁者進祭酒之左白禮畢遂引祭酒出謁者贊引各引享官以下以次出初白禮畢奉禮帥贊者還本位贊引引御史以下太祝以下俱復執事位立定奉禮曰再拜御史太祝以下皆再拜贊引引出諸學生以次出其祝版燔于齋所

皇太子束修

束帛一筐 五疋 酒一壺 五斛 修一案 五疋

其日平明皇太子服學生之服 其服青衿 至學門外博士公服執事者引立于學堂東階上西面相者引皇太子立于門外東西向 不自同賓客 陳束帛筐壺酒脯案于皇子南當門北向重行西上將命者出立門西東面曰敢請事皇子少進曰某方受業于先生敢請見將命者入告博士某也不請皇子無辱 若已封王則將云請王無辱 將命出告皇子曰某不敢為儀敢固請將命者入告博士曰請皇子就位某敢見將命者告曰皇子曰某不

敢以視賓客請終視見將命者入告博士曰某辭不得命不敢從將命者出告執筐者以筐東面授皇太子執筐博士降俟於東階下西面相者引皇太子執事者奉壺酒脯修案以從皇子入門而左詣西階之南面奉酒脯者立于皇子西南東面北上皇子跪奠筐再拜皇子還避遂進跪取筐相者引皇子進博士前東面授幣奉壺酒修案者從奠博士前博士受幣執者取酒修幣以東相者引皇子立于階間近南北面奉酒修者出皇子拜訖相者引皇子出

學生束修

束帛一筐准令酒一壺二罍修一案五脰

其日平明學生青衿服至學門博士公服立于學堂東階上西面贊者引學生立於門東西面不自同陳束帛筐壺脯案于學生西南當門北向重行西上將命者出立于門西東面曰敢請事學生少進曰某方受業于先生敢請見將命者入告博士曰某也不請于無辱將命者出告學生曰某不敢為儀敢固請將命者入告博士曰請子就位某敢見將命者出學生曰某不敢以視賓終賜見將命者入告博士曰某辭不得命不敢從將命者出告執筐者以筐東面授學

生博士降俟于東階下西面贊禮者引學生執酒脯者從之學生入門而左立于西階之南東面執酒脯者立于學生之南東面北上學生跪奠筐再拜博士答拜學生還避遂進跪取筐贊禮者引學生進博士前東面授幣執酒脯者從奠博士前博士受幣贊者取酒脯幣以東執酒脯者出贊禮者引學生立當階間近南北面再拜贊禮者引出

大唐開元禮卷第五十五

吉禮

仲春仲秋釋奠于齊太公

齋戒

將享所司隨職供辦凡預享之官散齋三日致齋二

日散齋皆于正寢致齋二日于本司一散齋理事如

舊惟不弔喪問疾不作樂不判署刑殺文書不行刑

罰不預穢惡致齋惟享事得行其餘悉斷其享官已

齋而闕者進攝行事諸享官散齋之日給酒食及明

衣各習禮于齋所太官令取明水火取水于陰監取

火于陽燧火以

供饗水前享一日諸衛令其屬未後一刻各以其方  
器服守衛廟門及太樂工人俱清齋一宿

### 陳設

前享三日守宮設獻官以下次于齋坊前享二日  
太樂令設軒懸之樂于廟庭東方磬簾起北鐘簾次  
之北方磬簾起西鐘簾次之設三罇鐘于編懸之間  
各依辰位樹路鼓于北懸之間道之左右植建鼓于  
三隅置祝敵于懸內祝在左敵在右設歌鐘歌磬于廟堂之  
上前楹間北向磬簾在西鐘簾在東執匏竹者立于  
堂下階間重行北向相對為首凡懸皆展而編之諸工人各

位于懸後右掖掃除內外又為瘞瘞院內堂之壬北  
方取足容物南出階前享一日奉禮設三獻位于東  
門之內道北執事位于道南每等異位俱西面北上  
設望瘞位于堂之東北當埴埋之東西向設御史位  
于堂下西南東向令史陪其後設奉禮位于樂懸東  
北贊者二人在南差退俱西面又設奉禮贊者位于  
瘞埴東北南面東上設協律位于堂上前楹間近西  
東向設太樂令位于北懸之間北向設位于南門內  
道之左右重行北面對為首金吾監檢不得喧雜設三獻門  
外位于其後每等異位俱北向西上設廟官位于三



獻東南俱重行北面西上設酒樽之位于堂上齊  
太公犧樽三象樽二山罍二在前楹間北向留侯  
犧樽二象樽二山罍二在太公酒樽之東俱西向留侯  
加勺罍有坫以置爵其設洗于東階東南北向罍水  
留侯之爵同置于一坫在洗東筐在洗西南肆執樽罍筐罍者各位于樽罍  
筐罍之後設幣筐二各于樽坫之所晡後郊社令帥  
齋郎以樽坫罍洗筐罍設于位自升堂者詣者引三獻  
官等詣廚視濯漑凡導引者每贊引御史詣廚省饌  
具享日未明十五刻太官令帥宰人以鷹刀割牲祝  
史以豆二取毛血置于饌所遂烹牲其牲用太牢二  
正坐及配坐俎

皆升右脾十一體以下折分餘體升之也未明五刻郊社令率其屬及廟  
司各服其服整拂神幄

### 饋享

享日未明三刻諸享官各服其祭服諸陪祭之官皆  
公服郊社令良醞令各帥其屬入實樽罍及幣犧尊  
醴齊象尊實以盞齊罍實以清酌齊皆加明太官令  
水酒各實于上尊其幣以帛各長一丈八尺帥其屬實諸籩豆簋簠等未明二刻奉禮帥贊者先  
入就位贊引引御史太祝及令史與執樽罍筐罍者  
入自東門當階間重行北面西上立定奉禮曰再拜  
訖執樽罍筐罍者各就位贊引引御史太祝詣東階

升堂行掃除于上令史祝史行掃除于下訖引降就位謁者引享官以下俱就門外位未明一刻太樂令

帥工人二舞次入就位文舞入陳于懸南道西其升堂者

皆脫履于下謁者引亞獻官入就位立定奉禮曰再

拜亞獻官再拜訖謁者引亞獻官詣東階升堂行掃

除于上降行樂懸于下訖引還本位初獻掃除訖謁

者贊引享官以下次入就位立定奉禮曰衆官再拜

衆官在位者皆再拜其先拜者不拜謁者進初獻官之左白

有司謹具請行事退復位協律郎跪伏舉麾凡取物者皆跪

後伏而取以與奠物則鼓祝奏永和之樂以始洗之

均自後堂下之作武舞之舞樂舞三成偃麾憂敵樂

止凡樂皆協律郎舉麾工鼓祝奉禮曰衆官再拜衆

官在位者皆再拜太祝俱跪取幣于篚興各於樽所

謁者引初獻官升自東階進太公神坐前北向立太

祝以幣東向授初獻官初獻官受幣登歌作肅和之

樂以南呂之均謁者引初獻官進北向跪奠于太公

神坐興少退北向再拜謁者引獻官當留侯首坐前

東向立又太祝以幣北向授獻官初獻官受幣謁者

引初獻官進東向跪奠于留侯首坐興少退東向再

拜登歌止謁者引初獻官降位衆官拜訖祝史各奉

毛血之豆立于東門外登歌止祝史奉毛血升自東階太祝迎取于階上進奠于太公留侯首坐前太祝與祝史退立于樽所初獻官既升奠幣太官令出帥饌者奉饌陳于東門之外初獻官降復位太官令引饌入俎初入門雍和之樂作自後酌獻饌至階樂止祝史各進跪徹毛血之豆降自東階以出饌升太祝迎引于階上各設于神坐前奠豆蓋簾先徹乃升簾設訖太官令下降復位太祝還樽所謁者引初獻者詣壘洗手洗爵引升詣太公酒樽所執樽者舉簾初獻官醴齊樂作謁者引初獻官詣太公神坐前北

向跪奠爵俛伏興少退北向立樂止太祝持版進于神坐之右東向跪讀祝文曰維某年歲次月朔日子皇帝謹還某官姓名敢昭告于齊太公惟公爰定六韜載成七德功業昭著生靈攸仰俾茲末學克奉舊章謹以制幣犧齊粢盛庶品式陳明薦以張留侯等配祀尚饗太祝興初獻官再拜初讀祝文訖樂作太祝進跪奠版于神坐興還樽所初獻官拜訖樂止謁者引初獻官詣留侯酒樽所取爵于坫執樽者舉簾初獻官酌醴齊樂作謁者引初獻官進留侯者坐前東向跪奠爵興少退東面立樂止初獻官既奠首坐爵餘坐皆齊即助

奠相次而畢其亞獻終獻齋即助奠亦如之也太祝持版進于留侯神坐之  
左北面跪讀祝文曰維某年歲次月朔日子皇帝遣  
某官姓名敢昭告于留侯等惟子宣揚武教光贊道  
鈐大濟生靈貽範千載謹以制幣犧齊粢盛庶品式  
陳明薦從祀配神饗尚太祝與初獻官再拜初讀祝文  
訖樂作太祝奠版于神坐興還樽所初獻官詣東序  
西向立太祝各以爵酌鬯福酒合置一爵一太祝持  
爵進初獻官之左北向立初獻官再拜受爵初獻官  
啐酒奠爵俛伏興太祝帥齋郎進俎跪減太公及留  
侯首坐前三牲胙肉皆取前脚加于俎又以飯共置

一盞太祝先以飯盞授初獻官受以授齋郎又以俎  
授獻官每受以授齋郎初獻官跪取爵遂飲卒爵復  
于坫初獻官俛伏興再拜謁者引初獻官降復位文  
舞出鼓祝作舒和之樂立定戛鼓樂止初獻官獻將  
畢謁者引亞獻官詣壘洗盥手洗爵訖謁者引升自  
東階詣太公酒樽所執樽者舉鬯亞獻官酌盞齊訖  
武舞作謁者引亞獻官詣留侯酒樽所取爵于坫執  
樽者舉鬯亞獻官酌盞齊訖謁者引亞獻官進留侯  
首坐前東向跪奠爵興少退東向再拜訖謁者引亞  
獻官詣東序西向立太祝各以爵酌鬯福酒合置一

爵一太祝持爵進亞獻官之左亞獻官再拜受爵跪  
飲卒爵太祝進受爵復于坫亞獻官興再拜謁者引  
降復位亞獻官獻將畢謁者引終獻官詣罍盥手  
訖升酌盞齊終獻如亞獻之儀訖引降復位武舞止  
太祝等各進跪徹豆與還樽所奉禮曰賜胙贊者唱  
衆官再拜凡飲者不拜奏永和之樂奉禮曰衆官再拜  
樂一成止謁者進初獻官之左白請就望瘞位謁者  
引初獻官就瘞位西向立奉禮曰轉就瘞培東北位  
初將拜諸太祝各執篚進神坐前跪取幣興降自西  
階詣瘞培以幣置于培訖奉禮曰可瘞培東西廂各

四人寘土半培謁者進初獻官之左白禮畢遂引初  
獻官出謁者贊引各引享官以下以次初白禮畢奉  
禮帥贊者還本位贊引引御史太祝以下俱後執事  
位立定奉禮曰再拜御史以下皆再拜贊引引出樂  
工以下皆出其祝版燔于齋坊

大唐開元禮卷第五十六

吉禮

皇帝巡狩告于圜邱

齋戒

將告有司卜日如別儀前一日皇齋于太極殿如郊社之儀凡預告之官清齋于告所侍近之官應從升者各于本司清齋一宿諸衛令其屬晡後一刻各以其方器服守衛墻門清齋一宿

陳設

前告三日尚舍直長設大次于外墻東門之外道北

南向尚舍奉御鋪御坐衛尉設文武侍臣次于大次  
之後文官在左武官在右俱南向又設告官及從駕  
群官次各于常所設陳饌饌于內壇東門之內道南北向  
太樂令設告官宮懸之樂于壇南設登歌舉麾位于  
壇上並如常儀前一日左校掃除壇之内外郊社令  
積柴于燎壇方一丈高二尺開上南出戶高四尺奉  
禮設御位于壇之東南西向將告奉禮一人守之在位版西南五步西向  
設望燎位當柴壇之北南向設告官及從駕群官版  
位于内外如常儀郊社令帥府史一人及齋郎以樽  
壘篚坩壘洗篚簾及玉帛之篚入設于位並如常儀

執樽壘篚簾者各位于樽壘篚簾之後告日未明五  
刻太史令郊社令升設昊天上帝坐于壇上北方南  
向席以藻秸設神位于坐首告日未明十刻太官令  
帥宰人以鸞刀烹牲于廚

鑾駕出宮

皇帝服衮冕之服乘玉輅備大駕及嚴鼓時刻奏請  
進發内外器服皆如常儀

親告

其日未明三刻諸告官各服其服郊社令良醞令各  
帥其屬入實樽壘玉幣太尊實以汎齊凡尊皆二其元酒各實于上尊禮神之玉

以蒼璧其太官令帥進饌者實籩豆簋簠入設于內  
幣亦蒼也壇之東門外饌幔內未明二刻奉禮帥贊者先入就  
位贊引引御史太祝以下入行掃除如常儀訖各引  
就位駕將至謁者贊引各引告官以下及從告群臣  
客使俱就門外位駕至大次門外迴路南向領左右  
將軍降立于路右侍中進當鑾駕前跪奏稱侍中臣  
某言請降路俛伏興還侍位皇帝路之大次協律郎  
太樂令帥工人各次入就位凡舞壇坐皆脫履皇帝  
停大次半刻謁者贊引各引從駕群官入就位太常  
博士引太常卿立于太次門外當門北向侍中版奏

外辨皇帝服大乘面冕次華蓋侍衛如常儀侍中負

如博士引太常卿太常卿引皇帝凡太常卿前導至

內壇門外殿中監進鎮珪華蓋伏衛于大門外近侍

者從入如常謁者引樂作皇帝詣禮升自南陛樂

止近侍者從升如常謁者引司徒自東陛立于樽所

齋郎奉俎從升立于司徒之後太常卿引皇帝詣天

帝酒樽所執樽者舉簋侍中贊酌汎齊訖壽和之樂

作酒皇帝每酌獻及飲福皇帝進天帝神坐前北向跪

奠爵俛伏興太常卿引皇帝少退北向立樂止太祝

持版進于神坐之右東向跪讀祝文祝文臨訖興皇



帝再拜初讀祝文訖樂作太祝進奠版于神坐還樽  
所太常卿引皇帝進天帝坐前北向立樂作太祝以  
爵酌福酒一爵太祝持爵以授侍中受爵西向進皇  
帝再拜受爵跪祭酒奠爵俛伏興諸太祝各帥齋郎  
進俎太祝減神前胙肉加于俎興以胙肉共置一俎  
上授司徒司徒奉俎西向進皇帝跪取爵遂飲卒爵  
侍中進受爵以授太祝太祝受爵復于地皇帝俛伏  
興再拜樂止太常卿引皇帝樂作皇帝降自南陛還  
版位西向立樂止謁者引司徒降復位太祝各進徹  
豆還樽所奉禮曰賜胙贊者唱衆官再拜衆官皆再拜

樂作太常卿前奏稱再拜退復位皇帝再拜奉禮曰  
衆官再拜衆官皆再拜樂一成止太常卿前奏請就  
望瘞位太常引皇帝樂作皇帝至望燎位南向立樂  
止群官將拜諸太祝各以篚進神坐前取玉帛祝版  
齋郎以俎載牲體稷黍飯爵酒興各自其陛降壇南行  
當柴壇南東行自南陛登柴壇以玉幣饌物置于柴  
上訖奉禮曰可燎東西面各四人炬燎火丰柴太常  
卿前奏禮畢太常卿引 皇帝出內壝門殿中監前  
受鎮珪華蓋侍衛如常儀皇帝入次樂止謁者贊引  
各引從告官及從駕群官諸方客使以次贊引引御

史以下俱復執事位立定奉禮曰再拜御史以下皆再拜贊引引出工人以次出

### 鑾駕還宮

皇帝既還大次侍中版奏請解嚴將士不得皇帝改服通天冠絳紗袞乘金輅鼓吹振作奏請還宮如常儀

### 大唐開元禮卷第五十六

### 大唐開元禮卷第五十七

### 吉禮

### 巡狩告園邱有司攝事

將告有司卜日如別儀前二日守宮殿告官以下次各依常所設陳饌幔于內墻東門之外道北南向右校掃除壇之內外郊社令積柴于燎壇前一日諸告官清齋于告所諸衛令其屬晡後一刻各以其方器服守衛墻門奉禮設版位內外並如常儀郊社令帥其屬以樽壘篚冪入設皆如常儀執樽壘篚冪者各位于樽壘篚冪之後太官令預饌酒脯醢告

日未明四刻太史令郊社令各服其服升設神席位  
如常未明三刻諸告官各服其服郊社令良醞令其  
屬各奠樽罍及玉為上帝一實以醞齊之次山罍各二  
一實以清酒次之太祝以玉帛置於篚設于饌所未  
明二刻奉禮帥贊者先入就位贊引引御史太祝以  
下入行掃除如常儀訖各就位未明一刻謁者引告  
官以下俱就門外位立定又謁者引告官贊引引執  
事者次入就位立定奉禮曰再拜贊者承傳凡奉禮  
有詞贊  
承傳告官以下皆再拜謁者進告官之左白有司謹  
具請行事奉禮曰再拜在位者皆再拜初謁者白請

行事太官令出帥饌者奉饌陳于東門之外初太官  
令出太祝跪取玉于篚興盃于樽所謁者引告官升  
自午陞北向立太祝以玉東向授告官受玉進北面  
跪奠于天帝俛伏興少退北向再拜謁者降還本位  
太祝還樽所太官令引饌入自午陞太祝迎引于壇  
上設于神坐前籩豆蓋簠  
之如式設訖太官令以下降自東  
陞復位諸太祝各還樽所謁者引告官罍洗盥手洗  
爵訖升自南陞詣天帝酒樽所執樽者舉簠告官酌  
醴謁者引告官請天帝神坐前北向跪奠爵俛伏興少  
退北向立太祝持版進于神坐之右東向跪讀祝文

訖興告官再拜太祝進跪奠版于神坐興還樽所告  
官拜訖謁者引告官進 天帝神坐前北向立太祝  
以爵酌鬯福一爵一太祝持爵進告官之右西向立  
告官再拜受爵跪奠遂飲卒爵太祝進受爵復于坵  
告官俛伏興再拜訖謁者降復位太祝告進跪徹豆  
俛伏興再拜訖還樽所奉禮曰再拜在位者及告官  
皆再拜謁者進告官之左白請就望燎位謁者引告  
官就望燎位南向立初衆官將拜太祝取玉幣及祝  
版置于柴上戶內柴東西各四人以炬燎火半柴謁  
者進告官之左白禮畢謁者引告官贊引引執事者

以次出御史以下俱復執事位立定奉禮曰再拜御  
史以下皆再拜贊引引出

大唐開元禮卷第五十八

吉禮

皇帝巡狩告于太社

齋戒 陳設 鑾駕出宮 薦玉帛 進熟

鑾駕還宮

齋戒

將告有司十日如別儀前一日皇帝清齋于太極殿  
諸預告之官清齋于太社署近侍之官應從升者及  
群官客使等各于本司及公館清齋一宿諸衛令其  
屬晡後一刻各以其方器服守衛社宮門與樂工人

俱清齋一宿

陳設

前告三日尚舍直長設大次于社宮西門之外道北南向尚舍奉御鋪御坐守宮設文武侍臣及從駕群官次各于常所前二日太樂令設宮懸之樂于壇北各設登歌及舉麾位各于壇上並如常儀右枝清掃內外又為瘞培二于樂懸之北如常前一日奉禮設御位于北門之內當社壇南向設告官及從駕群官版位于內外如常儀郊社令帥府史二人及齋郎以樽坩罍洗冪入設皆如常儀執樽罍篚冪者各位于

樽罍篚冪之後告日未明十五刻太官令帥宰人烹

牲于廚

牲用黑牛二齋郎以豆取牲血如常也

鑾駕出宮

皇帝服袞冕乘玉輅陳大駕鹵簿其嚴鼓時刻奏請進發內外器服皆如常儀

薦玉帛

其日未明三刻諸告官各服其服郊社令良醢令各率其屬入實樽罍及玉太尊實以醢齊配坐之象尊其實亦如之其明水各實于上尊玉俱以太祝各以幣置于篚幣隨牲色各長一丈八尺太官令帥進饌者實諸籩豆簋簋等皆設于神廚未明二

刻奉禮贊者先入就位贊引引御史太祝以下行掃  
除如常儀訖各引就位車駕將至謁者贊引各引告  
官以下及從升群官客使先至者俱外位駕至大次  
門外迴路南向千牛將軍降立于路右侍中進當鑾  
駕前跪奏稱侍中臣言請降路俛伏興還侍位皇帝  
降路之大次郊社令以祝版進署如常謁者贊引各  
引從駕群官俱就門外位奉禮帥贊者先就位贊引  
引御史及諸太祝與執樽壘篚纂者亦就位太樂令  
帥工人次入就位升壇坐者皆脫履通事舍人各引  
告官及從官群官客使次入就位皇帝停大次半刻

頃太常博士引太常卿立于大次門外北向侍中版

奏外辨皇帝出次華蓋侍衛如常儀博士引太常卿

太常卿引皇帝凡太常卿前導皆博士先引也至社宮北門外殿中

監進鎮珪華蓋伏衛停于門外近侍者復入如常皇

帝至版位南向立每立定太常卿與博士退立于左也太常卿前奏請

再拜退復位皇帝再拜奉禮曰衆官再拜贊者承傳

凡有禮詞衆官在位者皆再拜太常奏有司謹具請

行事退復位協律郎跪俛伏舉麾鼓祝奏順和之樂

以函鐘之均樂八成偃麾凡物皆協律郎敵樂止

後作偃麾太常卿前奏再拜退復位皇帝再拜奉

敵而後止也

禮曰衆官再拜衆官在位者皆再拜諸祝俱取玉幣于筐各立于樽所太常卿引皇帝太和之樂作皇帝每行

皆作樂皇帝詣太社壇升自北陛近侍者從升如常

儀皇帝升壇南向立樂止太祝加幣玉以授侍中侍中奉玉幣西向進于皇帝受玉幣登歌作肅和之樂以應鐘之均太常卿引皇帝受進南面跪奠于太社神前俛伏興太常卿拜皇帝少退北向再拜太常卿引皇帝立于東方西向又太祝以幣授侍中侍中奉幣南面進皇帝受幣太常卿引皇帝進西向跪奠于后土氏神坐俛伏興太常卿引皇帝少退西向再拜訖

登歌止太常卿引皇帝降自北陛樂作太常卿引皇帝詣大稷壇升奠玉幣于太稷氏后稷氏升降皆如太稷壇訖太常卿引皇帝降自北陛樂作皇帝還版位南向立樂止

### 進熟

皇帝既升奠玉幣太官令出帥進饌者奉饌陳于西門之外司徒太社之俎初皇帝既至位樂止太官令引饌太社太稷之饌入自正門后土后稷之饌入自左門俎初入門雍和之樂作饌至階樂止太社太稷之饌升自北陛后土后稷之饌升自西陛諸祝迎引



于壇上各設于神坐前訖謁者引司徒以下降復位  
諸祝各還樽所太常卿引皇帝詣壘洗樂作皇帝至  
壘洗樂止侍中跪取匱興浹水又侍中跪取盤興承  
水皇帝盥手黃門侍中跪取巾于匱興皇帝盥手訖  
受巾跪奠于匱遂取爵于匱興進皇帝受爵侍中酌  
壘水又侍中奉盤以承水皇帝洗爵黃門侍中又授  
巾如初皇帝拭爵訖侍中奠盤匱侍中受巾奠于匱  
太常卿引皇帝樂作皇帝詣大社壇升自北陛樂止  
近侍者從升如常謁者引司徒升自西階立于樽所  
執樽者舉冪侍中贊酌醴齊訖壽和之樂作皇帝每  
酌獻及

飲福皆作  
壽和之樂太常卿引皇帝進太社神坐前西向跪奠  
爵俛伏興太常卿引皇帝少退南向立樂止太祝持  
版進于神坐之右西面跪讀祝文祝文臨  
時撰皇帝再拜  
初讀祝文訖樂作太祝進跪奠版于神坐興還樽所  
皇帝拜樂訖止太常卿引皇帝詣后土酒樽所執樽  
者舉冪侍中取爵于坫進皇帝受爵侍中贊酌醴齊  
訖樂作太常卿引皇帝進后土神坐前向西跪奠爵  
俛伏興太常卿引皇帝少退西向立樂止太祝持版  
進于神坐之左南面跪讀祝文訖興皇帝再拜初讀  
祝文訖樂作太祝進跪奠版于神坐興還樽所皇帝

拜訖樂止太常卿引太社神坐前南向立樂作太祝  
持爵以授侍中侍中受爵東向以進皇帝再拜受爵  
跪祭酒啐酒奠爵俛伏興讀祝帥齋郎進俎太祝減  
太社神前胙肉太祝以俎授司徒司徒奉俎東向進  
皇帝受以授左右皇帝跪取爵遂飲卒爵侍中進受  
爵以授太祝受爵復于坵皇帝俛伏興再拜樂止太  
常卿引皇帝樂作皇帝降自北陛詣罍洗樂作謁者  
引司徒皇帝至罍洗盥手洗爵侍中黃門侍郎贊洗  
如常訖太常卿引皇帝樂作皇帝詣太稷升自北陛  
樂止皇帝酌獻太稷后稷皆如太社后土之儀訖太

常卿引皇帝降自陛北樂作皇帝還版位南面立樂  
止謁者引司徒降復位登歌作諸祝各進徹豆還樽  
所徹者籩豆各一奉禮曰賜胙贊者唱衆官再拜衆  
少移于故處官在位者皆再拜已飲福受樂作太常卿前奏再拜  
樂止退復位皇帝再拜奉禮曰衆官再拜衆官在位  
者皆再拜樂一成止太常卿前奏請就望瘞位太常  
卿引皇帝樂作皇帝至望瘞位南向立樂止于群官  
將拜諸祝各執篚進神坐前取玉帛齋郎以俎載牲  
體稷黍飯爵酒各由其陛降壇南行當瘞壇西行諸  
祝以玉帛饌物置于坵訖奉禮曰可瘞壇東西面各

四人寘土半埽太常卿前奏禮畢太常卿引皇帝還  
大次樂作皇帝出門殿中監前受鎮珪華蓋侍衛如  
常儀皇帝如次樂止謁者贊引各引告官及從駕群  
官以次出贊引御史以下俱復執事位立定奉禮  
曰再拜御史以下皆再拜贊引引出工人以次出其  
祝版燔于齋坊  
鑿駕還宮如常儀

大唐開元禮卷第五十八

大唐開元禮卷第五十九

吉禮

巡狩告于太社有司攝事

將告有司卜日如別儀前二日守宮設告官以下次  
各于常所右校清掃內外又為瘞埽二如常前一日  
諸告官清齋于社所諸衛令其屬晡後一刻各以其  
方器服守衛社宮門奉禮設版位于內外並如常儀  
郊社令帥其屬以樽坩罍洗篚纂者位于樽罍洗篚  
纂之後太官令預饌酒脯醢告日未明四刻太史令  
郊社令各服其服設神位席如常未明二刻諸告官

各服其服郊社令良醞之屬入實樽壘及玉正坐一太

實明水為上一實醴齊次之配坐象尊二其實亦如  
之皆山壘二一實元酒為上一實清酒次之玉兩珪  
却太祝各以幣王置于筐設饌所幣以黑長未明一刻

奉禮帥贊者先入就位贊引引御史太祝以下入行  
掃除如常儀質明謁者引告官以下俱就門外位奉

禮帥贊者先入就位贊引引執事者次入就位立定  
奉禮曰再拜贊者承傳凡奉禮有詞告官以下皆再

拜謁者進告官之左白有司謹具請行事退復位奉  
禮曰再拜在位者皆再拜初白請行事太官令出帥

進饌者奉饌陳于西門之外初太官令出太祝跪取

玉于篚與各立于樽所謁者引告官詣大社壇升自

北陛南向立太祝以玉幣西向投告官受玉幣進南  
跪奠于太社神坐俛伏興少退南向再拜謁者引告

官降自北陛詣太稷壇升奠玉幣如常大社之儀訖  
謁者引降還本位太祝各還樽所太官令引饌入太

社太稷之饌入自正門配坐之饌入自左闈各由其  
陛升諸太祝迎引于壇上各設于神坐前籩豆簋徹

設訖太官令以下降自西面復位諸太祝各還樽所  
謁者引告官詣壘洗盥于洗爵訖詣大社壇升自北

階詣大社酒樽所執樽者舉冪告官酌醴齊謁者引

告官進大社神坐前南向跪奠爵俛伏興少退南向  
立太祝持版進于神坐之右西南跪讀祝文祝文臨  
訖興告官再拜太祝進跪奠版于神坐俛伏興還樽  
所告官拜訖謁者引告官詣后土氏酒樽所取爵于  
北執樽者舉簾告官酌醴齊訖謁者引告官進后土  
氏神坐前西向跪奠爵俛伏興少退西向立太祝持  
版進于神坐之左南向跪讀祝文訖興告官再拜太  
祝進跪奠版于神坐俛伏興還樽所告官拜訖謁者  
引告官詣太社神坐前南面立太祝各以爵酌福酒  
合置一爵太祝持爵告官之右東向立告官再拜受

爵復于北告官俛伏再拜訖謁者引告官降自北階  
詣壘洗盥手洗爵謁者引告官詣太社壇北陞升獻  
太稷后稷如太社之儀訖引告官降復位諸祝各進  
跪徹豆俛伏興還樽所奉禮曰再拜在位者皆再拜  
祀不欲拜福奉禮曰再拜告官以下皆再拜謁者進告官  
之左白請就位南向立於衆官將拜諸祝各以篚于  
神坐前取幣寘諸壘奉禮曰可瘞左右各四人寘土  
壘謁者進告官之左白禮畢謁者引告官贊引引執  
事者以次出御史太祝以下俱復執事位立定奉禮  
曰再拜御史以下皆再拜贊引引出其祝版燔于齋

坊

大唐開元禮卷第五十九

大唐開元禮卷第六十

吉禮

皇帝巡狩告于太廟

齋戒 陳設 鑿駕出宮

晨裸 饋食 鑿駕還宮

齋戒

將告有司卜日如別儀前一日皇帝清齋于太極殿  
凡預告之官清齋于廟署近侍之官應從升者及群  
官客使等各于本司及公館清齋一宿諸衛令其屬  
晡後一刻各以其方器服守衛廟門與太樂工人俱

清齋一宿

陳設

前告三日尚舍直長施大次于廟東門之外道北南向尚舍奉御鋪御坐守官設文武侍臣之次于大次之後文官在左武官在右俱南向又設告官及從駕郡官次各于常所前二日太樂令設宮懸之樂于廟庭設登歌及舉麾位于殿上並如常儀右枝清拂內外從駕群官版位于內外前一日奉禮設御位于廟如東階東南西向設告官及從駕群官版位于內外如常儀設酒樽之位于堂上前楹間各于室戶外之左北向每室春夏雞彘一

鳥彘一犧樽二秋冬竿彘一黃彘一著樽二皆加勺

簾俱西上各有所實珪琖設罍洗篚簾于常所以篚實

壻中執樽罍篚簾之後太廟令整拂幄又帥府史齋

郎以樽坩罍洗篚簾入設位告日未明十五刻太官

令帥宰夫以鸞刀烹牲于廚每室各犢一

鑿駕出宮如常儀

晨裸

其日未明三刻諸預告之官各服其服太官令良醢

令各帥其屬入實樽罍雞彘竿彘犧尊之上實以明

實以太官令帥進饌者實諸籩豆簋簋等未明二刻

奉禮帥贊者先入就位贊引引御史太祝以下入行  
掃除如常儀訖各引就位未明一刻贊引引太廟令  
太祝宮門令入當階間北面西上立定奉禮曰再拜  
贊者承傳太廟令以下皆再拜升自東階入開堦室  
奉出獻祖以下九室神主各置位如常儀訖各就位  
駕將至謁者贊引各告官以下通事舍人分引及從群  
官客使先至者俱就門外位駕至大次門外迴路南  
向千牛將軍降立于路右侍中進當鑾駕前跪奏稱  
侍中臣某言請降輅俛伏興還侍位皇帝降輅之大  
次太廟令以祝版進署如常通事舍人各引從駕群

官俱就門外位太樂令帥工人次入就位其升堂坐

于下降謁者贊引各引告官及從官客使次入就位脫履

皇帝停大次半刻頃大常博士引太常卿立于大次

門外當門北向侍中版奏外辨皇帝出次華蓋侍衛

如常儀博士引太常卿太常卿引皇帝凡太常卿前

也引廟門外殿中監進鎮珪華蓋伏衛停于門外近侍

者從入如常皇帝至版位西面立太常卿前奏稱請

再拜退復位皇帝再拜奉禮曰衆官再拜衆官在位

者皆再拜其先拜太常卿前奏有司謹具請行事退

復位協律郎跪俛伏興舉麾凡取物者皆跪俛伏而

取以興奠物則奠訖俛



伏而後鼓祝奏永和之樂乃以黃鐘之均九成黃鐘

大呂再奏也偃麾戛鼓樂止凡樂皆協律即舉麾工

而太常前奏請再拜退復位皇帝再拜奉禮曰眾官

再拜眾官在位者皆再拜太常卿引皇帝詣壘洗太

和之樂作皇帝每行皆皇帝至壘洗樂止侍中跪取

匱興汲水又侍中跪取盤興承水皇帝搯鎮珪凡受

搯鎮珪伏與皇帝盥手黃門侍郎跪取巾于篚興進

皇帝盥手訖黃門侍郎受巾跪奠于篚黃門侍郎又

取珪瓚于篚進皇帝受瓚侍中酌壘水又侍中奉盤

皇帝洗瓚黃門侍郎又授巾皆如初皇帝拭瓚訖侍

中奠盤匱黃門侍郎受中奠于篚皆如常太常卿引

皇帝樂作皇帝升自阼階樂止侍中中書令以下及

左右侍衛量人從升太常卿引皇帝詣獻祖樽彛所

執樽者舉冪侍中贊酌鬱酒訖登歌作肅和之樂以

圓鐘之均皆自後登歌太常卿引皇帝出戶北向再拜

訖太常卿引皇帝詣懿祖樽所執樽者舉冪侍中取

瓚于坫進皇帝受瓚侍中贊酌鬱酒訖太常卿引皇

帝入詣懿祖神坐前北向跪以鬯裸地奠之俛伏興

太常卿引皇帝出北向再拜訖太常卿引皇帝次裸

太祖次裸高祖次裸太宗次裸高宗次裸中宗次裸

睿宗並如上儀訖登歌止太常卿引皇帝樂作皇帝  
降自阼階至版位樂止

### 饋食

皇帝既升裸太官令出帥進饌者奉饌陳于東門之  
外謁者引司徒詣饌所司徒奉獻祖之俎初皇帝既  
至位樂止太官令引饌入自正門俎初入門雍和之  
樂作以無射之均籥豆蓋纂設訖謁者引司徒以下  
降復位諸祝各還樽所太常卿引皇帝詣壘洗樂作  
皇帝至壘洗樂止皇帝盥手洗爵侍中黃門侍郎贊  
洗皆如晨裸之儀訖太常卿引皇帝樂作皇帝升自

阼階訖樂止太常卿引皇帝詣獻祖樽彝所執樽者

舉纂侍中贊酌醴齊訖壽和之樂作皇帝酌獻飲福皆作壽和之樂

太常卿引皇帝詣獻祖神坐前北向跪奠爵俛伏興

太常卿引皇帝出戶北向立樂止太祝持版進于室

戶外之右東面跪讀祝文祝文臨訖興皇帝再拜初

讀祝文訖樂作太祝入跪奠版于神坐前興出還樽

所皇帝拜訖樂止太常卿引皇帝詣懿祖樽彝所執

樽者舉纂侍中取爵于坵進皇帝受爵侍中贊酌醴

齊訖太常卿引皇帝以次獻皆如懿祖之儀惟不訖盥洗

太常卿引皇帝詣東序西向立樂作皇帝獻將畢謁

者引司徒自階立于前楹之間北面諸祝各以爵酌福酒合置一爵一太祝持爵以授侍中侍中受爵北向進皇帝再拜受爵跪祭酒啐酒奠爵俛伏興諸祝各帥齋郎持俎進太祝減神前胙肉又以籩取稷黍飯皆如常還樽所黍稷飯共置一籩以胙肉共置一俎上先以飯授司徒司徒奉進皇帝受以授左右又以俎授司徒司徒奉進皇帝受以授左右皇帝跪取爵遂飲卒爵侍中進受爵以授太祝太祝受爵復于北皇帝俛伏興再拜樂止太常卿引皇帝樂作皇帝降自阼階還版位西向立樂止謁者引司徒降復位

登歌作諸祝各入室徹豆出還樽所

徹者籩豆各一少移于故處

登歌止奉禮曰賜胙贊者唱衆官再拜衆官皆再拜樂作太常卿前奏稱請再拜退復位皇帝再拜奉禮曰衆官再拜衆官皆再拜樂一成止太常卿前奏禮畢太常卿引皇帝出門樂止殿中監前受鎮珪華蓋侍衛如常儀皇帝入次謁者贊引各引在位者以次出贊引引御史太祝以下俱復執事位立定奉禮曰再拜御史以下皆再拜贊引引出工人以次出太廟令太祝宮闈令納神主如常儀其祝版燔于齋坊

鑾駕還宮如常儀

大唐開元禮卷第六十

大唐開元禮卷第六十一

吉禮

巡狩告于太廟有司攝事

前二日守宮設告官以下次各于常所右枝清掃內外又為瘞培于北門之門道西方深取足容物前一日諸告官清齋於廟所諸衛令其屬晡後一刻各以其方器服守衛廟門奉禮設版位于內外並如常儀設望瘞位于堂之東北當瘞培西向又設奉禮位于瘞坎東北向贊者二人在西少退太廟令拂拭神幄又帥其屬以樽坩壘洗篚纂制幣之篚入設皆

如常儀執樽壘篚纂者各立于樽壘篚纂之後太官  
令預饌酒脯醢 告日未明三刻諸官以下各服其  
服太廟令良醞之屬入寶樽壘及幣每室春夏用兩  
儀尊秋冬用兩  
著尊一實明水為上一實以醴次之山壘二一實未  
元酒為上一實清酒次之幣以白各長一大八尺未  
明一刻奉禮帥贊者先入就位贊引引御史太祝以  
下再拜入常掃除如常儀訖各就位 未明二刻贊  
引引太廟令太祝宮闈令入當間北面西上立定奉  
禮日再拜贊者承傳凡奉禮有詞  
贊者皆承傳太廟令以下皆再  
拜升自東陞入開坎室奉出 獻祖以下九室 神  
主各置於坐如常儀訖各就位謁者引告官以下俱

就門外位質明謁者引告官以下贊引引執事者次  
入就位立定奉禮日再拜告官以下皆再拜其先拜  
者不拜  
謁者進告官之左白有司謹具請行事退復位太官  
令出諸太祝俱取幣于篚各立于樽所謁者引告官  
升自東階詣獻祖廟室戶前北面立太祝以幣東向  
授告官受幣進北面跪奠于 獻祖神坐俛伏興出  
戶北面再拜訖謁者引告官次進幣于 懿祖以下  
皆如上儀訖謁者引還本位諸太祝各還樽所太官  
令引饌入自正門各由其陞升諸太祝迎引于階上  
各設于神坐前訖太官令以下降復位諸太祝各還

樽所謁者<sup>引</sup>告官詣罍盥手洗爵訖升自東階詣獻  
祖酒樽所執樽者舉簾告官酌醴齊謁者引告官入  
詣獻祖神坐前北向跪奠爵俛伏興出戶北向立太  
祝持版進于室戶外之右東面跪讀祝文祝文臨訖  
時撰  
興告官再拜太祝進跪奠版于神坐俛伏興還樽所  
告官拜訖謁者<sup>引</sup>告官以次獻皆如獻祖之儀唯不訖  
盥洗  
謁者引告官詣東序西向立諸太祝各以爵酌罍福  
酒合置一爵一太祝持爵進告官之左北向立告官  
再拜受爵跪祭酒遂飲卒爵太祝進受爵復於坵告  
官俛伏興再拜訖謁者引告官降復位諸太祝各入

室跪徹豆興還樽所

徹者籩豆各一  
少移於故處

奉禮曰再拜在

位者皆再拜

已飲福  
者不拜

奉禮者再拜告官以下皆再拜

訖謁者進告官之左請就望瘞位奉禮贊者轉就瘞  
坎東北位謁者引告官就望瘞位西向立于告官將  
拜諸太祝各執篚進神坐前跪取幣興降自階詣  
瘞坎以制幣置於坎訖奉禮曰可瘞坎東西面各四  
人寘土半坎謁者進告官之左白禮畢謁者引告官  
贊引引執事者以次出初白禮畢奉禮贊者還本位  
御史太祝以下俱復執事位立定奉禮曰再拜御史  
以下皆再拜御史以下皆再拜贊引引出太廟令太

祝官闋令納神主如常儀其祝版燔于齋坊歸與此  
禮同

大唐開元禮卷第六十一

大唐開元禮卷第六十二

吉禮

皇帝巡狩

鑾駕出宮燔柴告至望秩山川

肆覲東后考制度

鑾駕出宮

將巡狩所司承制先頒告于東方諸州曰皇帝  
二月東巡狩各修平乃守考乃職事敢不敬戒國有  
大刑以駕將發告園邱宗廟社稷皆如別儀皇  
帝出宮脩大駕鹵簿如常儀較于國門祭所過山川

如親征之禮所經州縣刺史縣令先待于境通事舍人承制問百年古先帝王名臣烈士皆州縣致祭

燔柴告至

將告將作預於太山<sub>下</sub>修園壇四出陞

若見有封禪祀天壇即不須別

築前告三日尚舍直長施大次于外壇東門之內

道北南向尚舍奉御鋪御坐守宮設文武侍臣次于大次之後文官在左武官在右俱南向又設告官次于東壇之外道南從告文官九品以上於告官之東東方諸州刺史縣令應朝者於文官之東東方南方蕃客又於其東俱東行每等異位北向西上鄒公介

武官之南俱每等異位重行東面北上

其衰聖侯位

之下若有諸州使人分位于文武官之後

設告官以下門外位于東西壇

門之外道南皆如設次之式郊社令率府史一人及齋郎以樽坩罍洗篚簾入設於位並如常儀執樽罍篚簾者各位于樽罍篚簾之後告日未明十五刻太官令帥宰人令烹牲於廚蒼牲一未明四刻太史令郊社令各服其服升設昊天上帝神坐於壇上北方南向席以藁秸設高祖神堯皇帝神坐於東方西南席以莞設神坐各於座首未明三刻諸告官各服其服郊社令良醞令各帥其屬入實樽罍及玉



天帝太尊二配帝著尊二俱以汎齊其明太祝以玉  
水各實于上尊玉以蒼璧帶長一丈八尺帛置於篚太官令帥進饌者奉饌實諸籩豆簋簠等  
皆設饌幔內未明二刻奉禮率贊者先入就位贊  
引引御史太祝以下行掃除如常儀訖各就位皇  
帝服袞冕乘輅發行官奏請進發內外器服皆如常  
儀駕將至謁者贊引各引告官通事舍人引從告  
群官東方刺史縣令諸方客使俱就門外位駕至  
大次門外迴路南向千牛將軍立于路右侍中進當  
鑾駕前跪奏稱侍中臣某言請降路俛伏興還侍位  
皇帝降路之大次郊社令以祝版進署如常協律郎

與太樂令帥工人次入就位其升堂者皆脫履謁者

贊引各引告官通事舍人引從告群官朝史縣令及

諸方客使次入就位皇帝停大次半刻頃太常博

士引太常卿立于大次門外當門北向侍中版奏外

辨皇帝出次華蓋侍衛如常儀侍中負璽博士引

太常卿太常卿引九太常卿前導至內壝門外殿中

監進鎮珪華蓋伏衛停于門外侍者從入如常皇

帝至版位西向立每立定太常卿與太常卿前奏稱

請再拜退復位皇帝再拜贊者承傳凡奉禮有詞

衆官在位者皆再拜太常卿前奏有司謹具請行事

退復位協律郎跪俛伏舉麾凡取物者皆跪俛伏而

後與鼓祝奏豫和之樂乃以園鐘為宮角太簇為徵

姑洗為羽樂舞六成偃麾凡樂皆協律郎

敵而後止太常卿前奏稱請再拜退復位 皇帝

再拜奉禮曰眾官再拜眾官在位者皆再拜太祝取

玉於篚立于樽所太常卿引皇帝太和之樂作皇帝

皆作樂 皇帝詣壇升自南陛近侍者從升如常儀

皇帝升壇北向立樂止太祝以玉授侍中侍中奉玉

東向進 皇帝措鎮圭凡受物則措鎮圭受玉登歌

作肅和之樂以大呂之均大常卿引 皇帝北向跪

奠于昊天上帝神坐俛伏與太常卿引 皇帝少退

北向再拜訖太常卿又引 皇帝立於東方西向配

座太祝以幣授侍中侍中奉幣北向進 皇帝受幣

太常卿引 皇帝進東面跪奠於 高祖神堯皇帝

神坐俛伏與太常卿引 皇帝少退東向再拜訖登

歌止太常卿引 皇帝樂作 皇帝降自南陛還版

位西向立樂止初 皇帝既升奠玉太官令出帥進

饌者奉饌陳于內壝東門之外謁者引司徒出詣饌

所司徒奉天帝之俎初 皇帝既至位樂止太官令

引饌入俎初入門奏雍和之樂以黃鐘之均神自後接

皆奏饌至陸樂止天帝之饌升自南陸配帝之饌  
升自東陸諸太祝迎引於壇上各設于神坐前蓋  
如式設訖謁者引司徒以下降自東陸復位諸太  
祝各還樽所太常卿引皇帝詣壘洗樂作皇帝  
至壘洗樂止侍中跪取匱興沃水又侍中跪取盤興  
承水皇帝盥手黃門侍郎跪取巾於篚興進皇  
帝悅手訖受巾跪奠於篚遂取匏爵於篚興進皇  
帝受爵侍中酌壘水又侍中奉盤皇帝洗爵黃門  
侍郎授巾皆如初皇帝拭爵訖侍中奠盤匱黃門  
侍郎受巾奠於篚皆如常太常卿引皇帝樂作

皇帝詣壇升自南陸樂止謁者引司徒升自東陸立  
于樽所齋郎奉俎從升立於司徒之後太常卿引  
皇帝詣天帝酒樽所執樽者舉纂侍中贊酌汎齊  
訖壽和之樂作皇帝每酌獻飲福太常卿引皇帝  
進天帝神坐前北面跪奠爵俛伏興太常卿引  
皇帝少退北向立樂止太祝持版進于神坐之右  
東西跪讀祝文祝文臨訖興皇帝再拜初讀祝文  
訖樂作太祝進奠版於神坐還樽所皇帝拜訖  
樂止太常卿引皇帝詣配帝酒樽所執樽者舉纂  
侍中取爵于坫皇帝受爵侍中贊酌汎齊訖樂作

太常卿引 皇帝進 高祖神堯帝神坐前東向跪  
奠爵俛伏興太常卿引 皇帝少退東向立樂止太  
祝持版進於神坐之右北面跪讀祝文訖興 皇帝  
再拜初讀祝文訖樂作太祝進奠版於神坐還樽所  
皇帝拜訖樂止太常卿引 皇帝進天帝神坐前北  
向立樂作太祝各以爵酌福酒合置一爵一太祝持  
爵授侍中侍中受爵西向進 皇帝再拜受爵跪祭  
酒奠爵俛伏興諸太祝各帥齋郎進俎太祝減神前  
胙肉皆取前脚興以胙肉共置一俎上授司徒司徒  
奉俎西向進 皇帝受以授左右 皇帝跪取爵遂

飲卒爵侍中進受爵以授太祝太祝受爵復於坵

皇帝俛伏興再拜樂止太常卿引 皇帝樂作 皇

帝降自南陛西向立樂止謁者引司徒降復位太祝

各進徹豆還樽所徹者籩豆各一奉禮曰賜胙贊者

唱衆官再拜衆官在位者皆再拜豫和之樂作太常

卿前奏稱請再拜退復位 皇帝再拜奉禮曰衆官

再拜衆官在位者皆再拜樂一成止太常卿前奏請

就望燎位太常卿引 皇帝就望燎位南向立樂止

於群官將拜諸太祝各引篚進 神坐前取玉幣祝

版齋郎以俎載牲體黍稷飯各由其陛降壇南行經

柴壇西過壇東行南陛東柴壇以玉幣饌物等置于柴上戶內奉禮曰可燎東西面各六人以炬燎火半柴太常卿前秦禮畢太常卿引皇帝還入次樂作皇帝出內壇門殿中監前受鎮註華蓋侍衛如常儀皇帝入次樂止謁者贊引各引告官通事舍人引從告群官諸方客使以次出贊引引御史太祝以下俱復執事位立定奉禮曰再拜御史以下皆再拜贊引引工人以次出

鑾駕還行宮

皇帝既還大次侍中版奏請解嚴

將士不得  
輒離部伍

皇帝改

服通天冠絳紗袍乘輅奏請還宮如常儀

望于山川

柴之明日望于嶽鎮海瀆山林川澤邱陵墳衍原隰將祭所司預為壇于祭所其神皆以尊卑為序重行南向前三日守宮設祭官以下次於東壇之外道北向以西為上設陳饌幔於內壇東門之外道北南向前二日太樂令設宮懸之樂于壇南設登歌于壇上皆如常儀右校掃除壇之内外又為瘞壇於壇北之壬地外壇之内方深取足容物前一日諸祭官清齋于祭所諸衛令其屬晡後一刻各以其方器服守衛

壇門與太樂工人俱清齋一宿奉禮設祭官位于內  
壇東門之內道北執事位于道南俱西向北上設御  
史位于壇下一位於東南西向一位於西南東向令  
史各陪其後設奉禮位于樂懸北贊者二人在南差  
退俱西向設協律郎位于壇上南陛之西東向設太  
樂令位于北懸之間設望瘞位于瘞培之東西向設  
祭官以下門外位於外壇東門之外道南每等異位  
北向西上設酒樽之位嶽鎮海瀆各山樽二山林川  
澤俱蜃樽二邱陵墳衍原隰俱散樽二各于壇上南  
陛之東北向西上其嶽壇上加山壘二置於  
山齊東北向皆加勺設玉篚

于樽站之所設洗於壇南陛東南如常儀執樽壘篚  
纂者各位於樽壘篚纂之後郊社令帥齋郎以樽站  
壘洗篚纂入設於位祭日未明十五刻太官令帥宰  
人以鸞刀割牲齋郎以豆取毛血置于饌所遂烹牲  
未明二刻太史令郊社令各服其服入設神坐各于  
壇上北方南向席皆以莞設未明一刻祭官以下各  
服其服郊社令良醞令入實樽壘及玉山壘實以醴  
齊屬樽實以  
汎齊散樽及山壘皆實以清酒齊加明水酒太祝以  
加元酒各實於上尊祭主之玉以兩珪有却幣置於篚太官令帥進饌者實籩豆簋簠等奉禮帥  
贊者先入就位贊引引御史太祝與執樽壘篚纂者

入自東門當壇南重行北面西上立定奉禮曰再拜  
贊者承傳凡奉禮有詞贊者皆承傳御史以下皆再拜訖執樽壘

篚纂者各就位贊引引御史詣壇東陞升行掃除于  
上令史祝史行掃除于下訖引就位質明謁者引獻

官贊引引執事者俱就位東門外位太樂令帥工人

次入就位謁者贊引各引獻官以下次就位立定奉

禮曰再拜在位者皆再拜謁者進獻官之左白有司

謹具請行事退復位協律郎跪俛伏舉麾凡取物者皆跪俛伏

而取以興奠物則奠訖俛伏而後興鼓祝奏順和之樂自後壇下之樂皆奏姑洗

舞三成偃麾憂敵樂止凡樂皆協律郎舉麾工鼓祝而後作偃麾憂敵而後止也

奉禮曰再拜獻官以下皆再拜太祝取玉篚于立于樽

所謁者引獻官詣嶽壇升自南陞北向太祝以玉幣

東面授獻官登歌作蕭和之樂以函鐘之均謁者引

獻官進北面跪奠於嶽神坐俛伏興謁者引退北向

再拜訖登歌止謁者引獻官降自南陞還本位初獻

官升陞奠玉幣太官令出帥進饌者奉饌陳于東門

外于登歌止太官令引饌入俎初入門雍和之樂作

饌至陞樂止饌升南陞太祝迎引于壇上設于嶽神

坐前奠豆蓋纂徹之如式設訖太官令以下降自東陞以出

太祝還樽所其鎮海以下之饌皆祝史迎于壇上設

于神坐前相次而畢訖謁者引獻官詣罍洗盥手洗  
爵謁者引升自南陞詣酒樽所執樽者舉罍獻官酌  
醴齊訖樂作謁者引詣岳神坐前北面跪奠爵興謁  
者引獻官少退北面立樂止初獻官進奠爵太祝各  
以爵酌酒助奠鎮海以下還樽所太祝持版進於神  
坐之右東面跪讀祝文祝文臨撰訖興獻官再拜初讀  
祝文訖樂作太祝進奠版于神坐還樽所獻官拜訖  
樂止太祝酌罍福進獻官之右西向立獻官再拜受  
爵跪祭酒啐酒奠爵興太祝帥齋郎進俎太祝減神  
前三牲胙肉皆取前脚加於俎西面授獻官爵受以

授齋郎獻官跪取爵遂飲卒爵太祝受爵復于坫獻  
官興再拜謁者引獻官降復位諸祝各進徹豆如常  
訖還樽所奉禮曰賜胙贊者唱再拜在位者皆再拜  
獻官順和之樂作奉禮又曰再拜獻官以下皆再拜  
樂作一成止謁者進獻官之左白請就位望瘞位贊  
者引獻官就望瘞位西向立于衆官將拜諸太祝各  
執篚進神坐跪取玉幣齋郎以俎載毛血等各由其  
陞降壇詣瘞坎以物置於坎訖奉禮曰可瘞培東西  
各四人寘土半坎謁者進獻官之左白禮畢遂引出  
贊引引執事者以次出又贊引引御史太祝以下俱



復執事位奉禮曰再拜御史以下皆再拜訖出贊引  
引工人以次出其祝版燔于齋所

### 肆覲東后

望之明日肆覲東后于告至之前刺史縣令皆告奉  
見如常將作預于行宮之南為壇宮方三百步面一  
門為壇于壇內三分壇二在南方九丈六尺高九尺  
出陸南面兩陸餘前二日太樂令設宮懸之樂於壇  
南如殿庭之儀 前一日尚舍鋪 御坐於壇上近  
北南向又設解劍席於南陸之西守宮于門外重設  
百官次文東武西以北為上東方刺史縣令次于文

官之南蕃客次于武官之南所司陳輦路於壇南如  
常典儀設群官版位文官一品以下九品以上位于  
壇東南每等異位重行西面以北為上武官一品以  
下九品以上位于壇西南當文官每異位重行東面  
以北為上東方刺史縣令於壇南三分庭一在南每  
等異位重行北面以西為上若有蕃客則位於刺史  
之西每國異位重行北面以東為上設典儀位于南  
陸之東贊者二人在南差退俱西面北上奉禮設門  
外位文官一品以下九品以上位於門東每等異位  
重行西面武官一品以下九品以上位于門西每等

異位重行東面俱以北為上設東方刺史縣令位于  
文官之南每等異位重行西面以北為上蕃客位于  
武官之南每等異位重行東面以北為上其日未  
明三刻諸衛各以其方器服量設牙旗于壇外西面  
未明一刻諸衛各勒所部列黃麾大仗七及鉞戟陳  
于壇內如殿庭之儀群官及刺史以下各集就次服  
其朝服蕃客集次各服其國服侍中版奏請中嚴近  
伏陳於行宮門外侍衛之官各服其器服符寶郎奉  
寶俱詣行宮門外奉迎典儀帥贊者先入就位吏部  
兵部主客戶部贊群官客使俱出次通事舍人各引

就門外位刺史縣令俱執贊通事舍人引就門外位

贊各以其土所有錦綺繒布葛越之屬其餘當土貢俱五兩為一束而執之仍飾以黃記

之物並盛以筐其屬執之列於縣令位後通事舍人

引文官武官一品以下九品以上先入就位侍中版

奏外辨皇帝將出仗動太樂令令撞黃鐘之鐘右五

鐘皆應協律郎舉麾工鼓祝奏太和之樂凡樂皆協律郎舉麾

工鼓祝而後作偃麾受敵而後止皇帝服袞冕乘輿以出曲直華蓋

警蹕侍衛如常儀皇帝入自北壇門由北陛升壇

即御坐南向坐符寶郎奉寶置于御坐樂止腰

輿退羽儀華蓋仍侍于御側通事舍人引東方刺

史入就位鴻臚引蕃客次入就位初刺史入墻門懸  
下舉麾舒和之樂作至位立定樂止典儀曰再拜贊  
者承傳執贊者俱跪奠贊興在位者皆再拜訖取贊  
興凡拜奠之贊侍中前承制降詣刺史東南西面稱有  
制蕃客則舍人承刺史以下皆再拜宣制訖又再  
拜戶部引諸州貢物兩行各各入于刺史位前東西  
陳之龜為前列金次之丹漆絲纊四海九州之美物  
重行陳於後訖陳物者各退立于東西廂文武前側  
立通事舍人引刺史為首者一人執贊者詣解劍席  
跪解劍脫舄執贊興舍人接引升壇詣御坐前北  
面跪奏稱具官臣姓名等敢獻壤奠遠贊俛伏興又  
舍人跪舉以東授所司舍人引刺史降詣解劍席跪  
佩劍納舄興通事舍人引復北面位初為首者奠贊  
通事舍人引在庭者以次奠贊于位前訖各俛伏興  
引退復位訖刺史以下俱再拜戶部尚書進詣陸間  
北面跪奏稱戶部尚書臣某言諸州貢物請付所司  
俛伏興侍郎前承詔退稱制曰可尚書退復位所  
司受贊其贊首物人各執進物所司引退俱出東門  
初刺史將朝中書侍郎以諸州鎮表方別于一案俟  
于西門外給事中以祥瑞案俟於東門外俱令史降

公服對舉案侍郎給事中俱就侍臣班初刺史將入中門中書侍郎降引祥瑞案入詣東階下西面立刺史將升奠中書令黃門侍郎俱降立于階下初刺史執贄升階中書令黃門侍郎各取所奏之文以次升初度支尚書奏退復位訖中書令前跪奏諸方表訖黃門侍郎又前跪奏祥瑞案各還侍位侍郎與給事中引案退典儀白再拜贊者承傳文武群官刺史以下諸州客使俱再拜訖通事舍人以次引北面位者出就門外位侍中前跪奏稱侍中臣某言禮畢俛伏興還侍位 皇帝與太樂令令撞蕤賓之鐘左右鐘皆應太和之樂作 皇帝乘輿降自北陛警蹕侍衛如來儀入行宮樂止通事舍人引東西面位者以次出設會如正會之儀

### 考制度

朝覲之明日左右丞相以考制度事奏聞命太常卿採詩陳之以觀百姓之風俗命市納賈以觀百姓之好惡觀百姓之所好惡命典禮者考時月定日同律禮樂制度衣服正之山川神祇有不舉者為不敬宗廟有不順者為不孝不孝不敬者則長官黜以爵革制度衣服者為叛叛者長官有討有功德于百姓者

加爵賞五月南巡狩至于南嶽如東巡狩之禮八月  
西巡狩至于西嶽如南巡狩之禮十有一月北巡狩  
至于北嶽如西巡狩之禮歸格于祖禰用特如別禮  
若登封告禪如別儀

大唐開元禮卷六十二

卷之二